


HETA SALA ÇÜYÎ JÎ LI DIBISTANÊN NORWECÊ ZAROKÊN KURD  
BI ZIMANÊ XWE DERS DIDÎTIN. LÊ MIXABIN ÎRO:

## ZAROKÊN KURD LI NORWECÊ LI MAMOSTEYÊN KURDÎ DIGERIN

- Li gelek bajarên Ewrûpa dersên bi zimanê kurdî tê standin. Li Norwecê jî zarokên kurd berê bi kurdî ders digirtin. Niha tenê bi zimanên biyan dixwînin û dinivîsin.

- Berê mamosteyêن zarokên kurdî jî hebûn û ji vî mafê xwe yê neteweyî istifade dikirin. Îro her diçe hêviya zarokên dibistana lla jî, ji mamosteyêن kurdî qut dibin.

Rûpel 8-9



Xwendevanê Özgür Ülkeye piştî sansurkirina nivîsên wê wiha dibêjin:

## Logo tenê bimîne emê dîsa bistînin

**Özgür Ülke**

Petrol kuyusu bombalandı

PKK, Cenevre Sözleşmesi'nin Kurdistan'da uygulanması için başvurdu:  
**Savaş kurallarıyla uyulsun**

- Xebatkarên Özgür Ülkeye niha li sê cihêن cuda dixebeitin. Hinek weşanên demokrat û sosyalîst cihê xwe ji wan re vekirin. Niha ew xwe amade dikin ku biçin cihê xwe yê nû, bi teknîkeke pêşketî, rojnameyeke xweşiktir pêşkeşî xwendevanê xwe bikin.
- Baki Karadeniz: "Kirinênu ku li dijî Özgür ülkeye pêk têni aliyekî politikaya dewletê ya li dijî tevgera demokratik a gelê kurd e. Dewletê imhakirina tomerî daniye pêsiya xwe."

Rûpel 2-3

### Kovara Kurdistan

Kurd ji rojnamevantiyê re ne xerib in. Li gorî gelên Rojhilata Navîn, bi hêsanî dikare were gotin ku ev gel xwediyê dîrokeke kevin a rojnamevantiyê ye. Rojnameya pêşin, kurdan li Qahîreya Misirê bi navê 'Kurdistan'ê derxistine.

Rûpel 13

### Şerefxan Bidlîsî û Şerefname

Pirtûka Şerefname ku nivîskarê mezin û dîrokvanê bi nav û deng ê gelê me Şerefxanê Bidlîsî nivîsandiye, heya roja iroyin bi mezintirin û berfirehtirin berhemek tê jimartin (hesibandin) ku der heqa dîroka kevn a kurdan de hatiye nivîsandin.

Rûpel 7

### Divê ziman neyê xesandin

Ziman, ziman nakesixînin, dişitilînin, aşef dikin (ji bêjeyên biyanî paqîj dikin). Rastî ev e, zimanzanît ev e, xizmet ev e. Tîrsa min ev e ku rewşenbîrên me dê rojekê bibêjin: "Xwendin, axaftin û nivîsandina bi zarê kurmancî dîjwar e.

Rûpel 11

### Hisêne Mensûr-Helac

Helac, bi nav Hisêne Mensûr e. Di nava hozaniya (filezofiya) derwêşiyê (Sûfîzm) de cihekî berz û bala digire. Helac, li bajarê Beyzayê (li Iranê) hatiye rûyê dinyayê. Di dema Ebasiyan de dijiya. Bir tûj, hîstenik û dilşewitiyê mirovahiyê bû.

Rûpel 12

XWENDEVANÊN ÖZGÜR ÜLKEYÊ PIŞTÎ SANSURKIRINA NIVÎSÊN WÊ  
WIHA DIBÊJIN:

# LOGO TENÊ BIMÎNE EMÊ DÎSA BISTÎNN

**Xebatkarêñ  
Özgür Ülkeyê  
niha li sê cihêñ  
cuda dixebeitin.  
Hinek weşanêñ  
demokrat û  
sosyalîst cihê xwe  
ji wan re vekirin.  
Wisa dixuye ku  
polîtikayêñ  
dewletê yêneq  
nikarin dengê  
wê bibirin. Niha  
ew xwe amade  
dikin ku biçin  
cihê xwe yê nû,  
bi teknîkeke  
pêşketî,  
rojnameyeke  
xweşiktir pêşkeşî  
xwendevanêñ  
xwe bikin.  
**Baki Karadeniz:**  
“Kirinêñ ku li dijî  
Özgür ülkeyê  
pêk têñ aliyeñ  
polîtikaya dewletê  
ya li dijî tevgera  
demokratik a  
gelê kurd e.  
Dewletê ìmhakirina  
tomerî daniye  
pêşixa xwe.  
Wê, di roja 2'yê  
adarê de bi  
derbeyekê  
parlementerên kurd  
ji meclisê avêtin,  
pişt re partî radan,  
mebûs avêtin  
girtîgehê. Niha  
dewlet bi ser  
hemû kes û saziyêñ  
azadîxwaz yêñ  
gelê kurd ve diçe.  
Êrişa bi ser  
Özgür Ülkeyê  
ve jî encama  
ve polîtikayê ye.**



Gerînendeyê Giştî ya Weşanê Baki Karadeniz



Ebûqat Osman Ergin



Makîneya ku ji bin xerabeya Özgür Ülkeyê hatiye derxistin, dixebite.

Piştî ku rojna-meya Özgür Ülkeyê di 3'ye meha berfan-barê (meha 12'yan) de hate bombekirin, dewletê hêvî dikir ku dengê Özgür Ülkeyê bi tamamî bête birîn, lê bere-vajîya vê yekê, dengê wê bilindir bû. Wekî Ber-pirsîyarê Karê Belavkirinê Zülküf Kışanak jî dibêje, roja piştî bombe-kirinê tîraja rojnameyê hilkişî 22 hezaran, hejmara rojnameyên ku bi destan dihatin belavkirin jî li Stenbolê tenê ji 700'î hilkişî 1800'î. Gerînendeyê We-

şanê yê Giştî Baki Karadeniz jî, bal dikîşîne ser vê rewşê û dibeje ku raya giştî piştî bombekirinê alaqaeyeke baş nîşan daye, saziyêñ demokrat û kesen rewşenbîr li rojnameyê xwedî derketine. Dewletê dît ku bi vî awayî rojnameyê nikare bide sekinandin, roja 6'ê rîbendanê bi civîna MGK'ê (Lijneya Ewleyî ya Neteweyî) bîryareke nû stand. Piştî vê bîryarê dozgerên DGM'ê (Dadgeha Ewleyî ya Dewletê) li çapxaneyê dest danî ser Özgür Ülkeyê. Bi vê kirinê jî qonaxa rojnameya bisansûr dest pê kir. Ji ber ku dewletê jî vî karî re qilifekî qanûnî ditibû, li hemberî kirinê raya giştî jî zêde reaksiyon nîşan nade. Baki Karadeniz vê yekê bi du tiştan ve girê dide, yek jê ev e; gelek kes kirinê qanûnî dibînin. Her çiqas wek Parêzerê rojnameyê Osman Ergin dibêje, “her kirina qanûnî ne hiqû-qî ye” jî, dewlet ji bo kirina xwe madeyeke qanûna bingehîn nîşan dide, gelek kes vê kirina dewletê normal dibînin. Divê bê zanîn ku dewlet di vî karî de neheq e û mirov divê li hemberî van kirinan derkeve. Li aliye din dewlet rî nade ku ew mesajên xwe bigîhînin gel, nivîsên tê de qala sansûrê dibe, têne berhevkirin.

## MEBESTA DEWLETÊ ÇI YE?

Baki Karadeniz li ser se-demêñ vê kirinê wiha dibêje: “Kirinêñ ku li dijî Özgür ülkeyê pêk têñ aliyeñ polîtikaya dewletê ya li dijî tevgera demokratik a gelê kurd e. Dewletê ìmhakirina tomerî daniye pêşixa xwe. Wê, di roja 2'yê adarê de bi derbeyekê parlementerên kurd ji meclisê avêtin, pişt re partî radan, mebûs avêtin girtîgehê. Niha dewlet bi ser hemû kes û saziyêñ azadîxwaz yêñ gelê kurd ve diçe. Êrişa bi ser Özgür Ülkeyê ve jî encama vê polîtikayê ye. Dewletê pêşî xwest bi şidetê dengê me bibire, ji lew re gelek hevalên me hatin girtin, gelekan îşkence dîtin, gelek jî hatin kuştin. Roja 3'ye berfanbarê rojname ha-te bombekirin, lê ev polîtika bi ser neket. Îcar vê riyê diceribî-

nin.” Hemû xebatkarêñ rojnameyê didin zanîn ku armanca dewletê sekinandina weşana rojnameyê ye.

## NIHA KAR ÇAWA DIMEŞE

Di destpêkê de du rojan dewletê nehiştiye ku li Stenbolê rojname belav bibe. Zülküf Kışanak dibêje ku di serî de li bajarêñ weki Edene, Enqere, İzmîrê xwendevanan rojname, berî yêñ Stenbolê û bêsansûr bi dest xistin, pişt re dewletê rî li ber vê jî girt. Rojîn pêşîn çawa ku rojname ketiye çapê polisan çend heb hildane, birine cem dozger, dozgerê nobedar û tevî bîryara berhevkirinê, bilezûbez hattine dest datanî ser rojnameyê. Berpirsiyarê Karê Çapxaneyê Abidin Çelik dibêje: “Du sê rojîn pêşîn em hinekî ji hatina polisan tenezar bûn, lê pişt re em elimîn.” Niha rojname pêşî bi roj qasî 500 heb ji bo sansûrê tê çapkirin. Ber bi êvarê dozger, nivîsên ‘bixete-re’ jê dineqîne, ew jê têñ derxist, roja duwatir (li dora rojê) ji nû ve dikeve çapê. Ebûqat Osman Ergin dibêje ku ji di serî de dozgeran li gorî mîjû (tarîx) û hejmarê bîryara berhevkirinê dida, lewma pir caran polisan dest datanî ser rojnameyê sansûrbûyî ji. Ew dibêje ku ji bo rîlibergirtina vî karî, wan hejmara çapê jî li ser rojnameyê nivîsandiye û dozger jî di vî warî de serwext kiriye.

## FÊRBÛNA SANSÛRE

Ji daxuyaniyêñ rayedaran Özgür Ülkeyê mirov fêr dibe ku hêzên dewletê bi sansûrê jî nasekinin. Li gelek deran rojnameyê bi awayekî bêqanûnî berhev dikin û nahêlin ku rojname bikeve gelek deveran. Hîn jî xebatkarêñ rojname bêsebeb têne girtin. Parêzer Osman Ergin dibêje ku wê dozger, der barê nivîsên belavnebûyî de jî dozê vekin. Ew dîsa dibêje ku dozvekirin wê bibe sedemê gengaşiyekî hiqûqî. Ji ber ku li gorî hinek mehkemeyêñ tirk ji bo dozvekirinê weşandin bes e, lê hinêñ din dibêjin: “Divê aleni-

**JUTI**

\* DGM nivîskarê bi nûv û deng  
YAŞAR KEMAL "mehkeme" dike...



Doğan Güzel



Xebatkarêن Ülkeyê di dema xebatê de

yet hebe." Ergin dibêje: Ev qanûn ji berê ve hebû, lê niha derket ber me. Helwesta dozger û dadgerên tirk li gorî hewaya (atmosfera) siyasî diguherin û ew jî dide nîşan ku li Tirkîyeyê mehkeme ne serbixwe ne.

#### HETA GEL BIXWAZE WÊ DERKEVE

Sansûr ji aliyê madî ve barekî giran e, her çiqas sansûrê zêde tesîr li tîrajê nekiribe jî. Ji bili vê, rojname bi vî halî bersivê nade pêdiviyêñ xwendevanan, Zülküf Kişanak dibêje: "Hinek xwendevanê me heta navendê têñ ji bo rojnameyeke bêsan-sûr."

Tevî hemû tengasiyan jî xebatkarê rojnameyê dibêjin, "Heta gel bixwaze, wê rojname derkeve." Baki Karadeniz li ser vê mijarê wiha dibêje: "Ev ne rojnameyeke sermayedaran e, ne ji bo pere qezencirinê derdikeve, ev xwediyê misyonê ye, li pişta me xwendevanê me hene, heta me misyona xwe anîye cih wê derkeve." Sanlı Ekin pişti ku bîyârdariya xwendevanan ji devê wan bi gotina, "Heke tenê logo bimîne

SAMÎ BERBANG  
ESNAS MAYA


## PKK'ê peymana Cenevreyê ïmze kir

**L**i Kurdistanê nêzîkî 10 sal in ku şerekî gemarî tê domandin û di vî şerî de bi-hezaran sivil mirin e. Ji bo ku ev şerî gemarî êdî zirarê nede sivilan û biqaîde yên cengê bîdome, PKK'ê peymana Cenevreyê ïmze kir. Di 24'ê rîben-danê de li ser navê PKK'ê Berdevkê ERNK'ya Ewrûpayê Ali Sapan û li ser navê serokatiya Xaça Sor jî Andre Collomb peyman ïmze kirin.

Piştî bombekirina Özgür Ülkeyê Sekreterê Giştî yê PKK'ê Abdullah Öcalan di daxuyaniya ku dabû BBC'ye û nivîskarê Özgür Ülkeyê İsmet İmset de gotibû: "PKK hukmê konvan-siyona Cenevreyê qebûl dike û

ji ber ku aliye kî cengê ye, wê teahûtêñ xwe bîne cih. Li gorî peymana Cenevreyê ya madeya 3'ye mîn, emê, rewşa ku Xaça Sor karibe çavderiya cengê bike ava bikin. Wê çaxê kî qâideyêñ cengê ihlal dike, wê derê holê."

Tê zanîn ku, 172 dewletî û Tirkîyeyê jî ev peymana di sala 1954'an de ïmze kiriye. Lê di sala 1977'de du protokolên nû ji ïmzeyê re hatine vekirin. Tirkîyeyê ew protokol ïmze neki-rine. Piştî ku PKK'ê peyman û porotokolên nû ïmze kir, Tirkîyeyê jî divê wan ïmze bike. Ku ïmze neke wê çaxê wê ji dinayayê tecrît bibe. Îmzekirina peymanê ji bo xelasîya şerê ge-

Ji nûnerên ERNK'ê  
Ali Sapan

marî û wekî aliye kî şer nasbû-na PKK'ê gaveke dîroki ye.

Navenda Nûçeyan

## Welatê Me çû DGM'ê

**R**ojnameya me ji deriyê Dadgeha Ewlekarîyê ya Dewletê (DGM) ya Stenbolê vekir. Ji ber nivîsîn di hejmarên Welatê Me yên 4, 5, û 6'an de, Xwediya Rojnameyê Aynur Bozkurt û Berpirsiyare Karê Nivîsaran Mehmet Gemsiz ifade dan dozger..

Dozger, bi hinceta

ku di nûçê û hevpey-vînan de li dijî yekîti-ya neteweyî û yekpa-retiya axa Tirkîyeyê propaganda hatiye ki-rin, doz vekir. Wê, xwedî û berpirsi-yare karê nivîsaran li-gorî "Qanûna Têkoşîna bi Terorê re" ku bi navê madeya 3713 jî tê zanîn, bêñ darizan-din (mehkemekirin).

Li gorî ku dozger

Abdulkadir Diriarin da zanîn, hejmarên ku di wan de li hêmanêñ sûc hene ev in.

Di hejmarâ 4'an, rûpela 10'an de nûçeyâ bi sernavê "Zêdeyî 500 kes hatin kuştin" ku li ser lihevxitinê hêzîn dewletê û yên ARGK'ê ne, di hejmarâ 5'an rûpela 12'an de hevpeyvîna bi ser-

navê "Em dîsa di go-venda serxwebûn û a-zadiyê de dilîzin" û hejmarâ 6'an di rûpe-la 10'an de nûçeyâ bi navê "Ji artêşa tirk fi-rar zêde dibin" û rû-pela dawîn a vê hej-marê de hevpeyvîna bi navê "Edene bûye wek bajarekî Kurdis-tanê."

Navenda Nûçeyan

## Dewlet berî dide cerdevan ñî

**L**i Mêrdînê, li Dêrikê, gundêñ cerdevan Şerî-baba, Şerker, Hoz, Gamiri, Selamet û Susikê ji bo valakirinê di bin

pêkûtiya dewletê de ne. Li gorî agahiyêñ ku gihiştine destê me, qu-mandariya jendirmeyen Dêrikê, ji gun-diyan re gotine," Ji iro

pê ve em 15 rojan wext didin we. Hûn gundan vala nekin êdî hûn di-zanîn." Beriya dû hefteyî li van gundan 150 cerdevan ketibûn bin-

çav. 3 cerdevan dibin çav de hatibûn kuştin, 4 cerdevan hê jî dibin çav de ne. Cerdevanêñ din hatin berdan.

Navenda Nûçeyan



BI ÇAVÊ RAYEDARÊN DEWLETA CEZAYÎRÊ RÊXISTINA ÎSLAMÎ

# FIS'Ê SİSTEMA DEMOKRATİK QEBÛL NEKIR

**Raşîd Haddad,**  
**li ser xurtbûna**  
**FIS'ê jî, dibêje**  
**ku rêveberiya**  
**FLM'ya ku şerê**  
**neteweyî bir**  
**serî, piştî salên**  
**1980'yî ji ar-**  
**manca xwe dûr**  
**ketiye. Prob-**  
**lemên gel çare-**  
**ser nekirine. Ew**  
**dide zanîn ku**  
**niha li Cezayîrê**  
**500 hezar kesen**  
**bêmal hene,**  
**FIS'ê li vê rewşê**  
**kelk (feyde)**  
**standiye,**



Balyozê Cezayîrê li Tirkîyeyê Raşîd Haddad, li hemberî daxwaza aştiyê, gotinê klasik dibêje.

Serê li Cezayîrê ji  
Şrebendana (meha  
1'an) 1992'yan bi vir  
vê dewam dike. Di wî  
şerê navbera dewletê û  
hêzên İslâmî de, kesen si-  
vîl jî di nav de gelek mi-  
rov hatin kuştin. Şer, bi  
îptalkirina hilbijartina  
berfanbara 1991'an dest  
pê kir. Dema ku di hilbi-

jartinê de FIS (Eniya Selametê ya İslâmî) bi ser ket,  
artêşê hilbijartin îptal kir  
û ew rêxistin qedexe kir.  
Li ser vê yekê hêzên İslâmî  
dest bi şerê çekdarî  
kir.

Balyozê Cezayîrê yê li  
Tirkîyeyê. Raşîd Haddad  
di hevpevîna xwe ya ku  
roja 23'yê rôbendanê bi

Turkish Daily News'ê re-  
kiribû de li ser îptalkirina  
hilbijartinê wiha dibêje:  
"FIS'ê sîstema demokra-  
tik û bi pirpartî qebûl nedîkir,  
heke ew bi ser keta  
wê ew hilbijartin bibûya  
ya dawîn. Ji ber vê se-  
demê kirina artêşê li cih  
bû."

Xeynî wê, Haddad idî-

a dike ku belediyeyê İslâmî  
yên liste amadekiribûn, di amadekirina lîs-  
teyên hilbijeran de gelek  
sextekarî kirine, gelek  
kesen mirî weki hilbijer  
hatine nivîsandin, kesen  
li dijî wan jî qerta hil-  
bijeriyê bi dest nexistine.  
Balyozê Cezayîrê dîsa  
dibêje ku bi milyonan kes

besdarî hilbijartinê nebû-  
ne û ji bo van sedeman  
encama hiljartîne ne adî-  
lane bûye.

Raşîd Haddad, li ser  
xurtbûna FIS'ê jî, dibêje  
ku rêveberiya FLM'ya  
ku şerê neteweyî bir serî  
piştî salên 1980'yî ji ar-  
manca xwe dûr ketiye.  
Problemên gel çareser  
nekirine. Ew dide zanîn  
ku niha li Cezayîrê 500  
hezar kesen bêmal hene,  
FIS'ê li vê rewşê kelk  
(feyde) standiye, lê çare  
nîşan nedane tenê gotine  
: "Em xaniyan nadîn we,  
ji bo xwedê ji we reyan  
dixwazin."

Raşîd Haddad li ser  
qedandina ser û vekirina  
riya diyalogê gotinê we-  
kî yên dewletên din bi  
lêv dike: "Heta FIS terorê  
lanet neke, em bi wê re li  
hev rûnanin." Ew li ser  
civîna hêzên dijber ku ji  
bo aştiyê li paytexa İtal-  
yayê çêbû jî argûmanên  
klasik pêşkêş dike. dibê-  
je: "Ew cîma li derive ci-  
vine, em wekî mirovîn  
dildarê serxwebûna  
xwe vê civînê li cih nabî-  
nin." Balyoz Haddad, li  
ser sedemê civîna li der-  
ve nasekine. Ew dadixu-  
yîne ku wê îsal li  
Cezayîrê hilbijartina se-  
rokkomartiyê çêbe, riya  
diyalogê jî hinekî vekirî  
dihêle.

Nûçeyen Derve

Rêxistina Ewlekarî û Hevkariya Ewrû-  
payê bi besdarbûna sîh û pênc wela-  
tan di 1'ê gelawêja 1977'an de li pay-  
texa Finlandiyâ li Helsinkiyê hatibû  
çekirin.

Piştî têkçûna sosyalîzma reel dew-  
letên nû derketin holê û bi endambûna  
van dewletan, hejmara endamên RE-  
HE'yê gîhîste pêncî û sisîyan.  
Her çend nav, Rêxistina Ewrûpayê ye  
jî, lê hin dewletên endam ne li cografi-  
ya ya Ewrûpayê ne. Wekî DYA û Ka-  
nadayê. Di navbera van herdu dewlet  
û dewletên Ewrûpî de têkiliyên dîrokî,  
çandî û aborî hene. Gelo ci pêwen-  
diyên vê rêxistinê û şes komarên tirkî  
yên li Asyaya Navîn hene? Ji derî ber-  
jewendiyên Ewrûpiyan yê li wê  
herêmê. Ne pêwendîya cografi û ne jî  
ya çandî. Xuya ye Ewrûpa li gorî ber-  
jewendiyên xwe, dixwaze cihanê ji nû  
ve organîze bike, ewlekariya xwe xurt  
bike.

Lê, li hev nakin û li hev hatin wisa ne  
hêsan e. Ji ber vê yekê, civîna RE-  
HE'yê ya li Budapeşteyê ku di 5-6'ê  
meha Berfanbarê de pêk hat, balkêş  
bû. Di vê civînê de ji derî nav guher-  
tinê (konferans bû rêxistin) encameke

## REWŞA DINYAYÊ

ROBIN REWSEN

### Civîna REHE'yê li şerê Çeçenîstanê

balkêş derneket. Zêdetir nakokî û du-  
bendî derketin holê.

DYA û dewletên Ewrûpayê, Rûsyayê  
hîn wekî talûkeyeke potansiyel dibînîn  
û her du alî jî, ji hev ne bawer in. At-  
mosfera bêbaweriye li civînê serdest  
bû.

Gotûbêja dijwar zêdetir li ser xala sî-  
norên NATO'yê çêbû. Dewletên Ewrû-  
paya Navîn dixwazin bibin endamên  
NATO'yê. NATO jî vê daxwazê di cih  
de dibîne. Lê Rûsyayê hem di vê ci-  
vînê de û hem jî beriya vê civînê nera-  
zîbûn û hêrsbûna xwe bi tundî diyar  
kir.

Heke ev dewlet bibin endamên NA-  
TO'yê. NATO û Rûsyâ dîbin hevsînor

û bi vî awayî dor li Rûsyayê tê girtin,  
dest û lingên wê têngirêdan. Hêrsbû-  
na Rûsyayê ji ber vê yekê ye û dixwa-  
ze wekî berê xwedîyê gotin û însiya-  
tîfî be. Ev jî li hesabê yên din nayê.  
Mîna ku tê zanîn eger problem li ser  
maseyê çareser nebe, bi riyan din tê  
çareserkirin. Piştî civîna REHE'yê ya  
bê encam, Rûsyayê êrîş bir ser Çeçenîstanê.  
Helbet sedemên vê êrîşê yên  
din jî hene. Bi ya min girêdanek di  
navbera vê civîn û êrîşê de jî heye.  
Rûsyayê bi vê helwesta xwe, xwest bi  
raqîbên xwe bide zanîn ku wisa  
bihêsanî ji ya xwe nayê xwarê.  
Jixwe DYA û Almanyayê reaksiyonên  
Rûsyayê yên muhtemel li ber çav di-

girtin û zêde giraniya xwe nedidan ser  
Rûsyayê.

Gotineke me ya pêşîyan heye: "Hêstî  
radibin hev, caş û golik di bin lingên  
wan de diçin."

Di dîrokê de ev mînak jî ne kêm in.  
Çeçenîstanê di 1991'î de serxwebûna  
xwe dabû xuyakirin û Rûsyayê wê  
demê pêdiviya êrîşkirin nedîtbû.  
Ge-  
lô ci qewimîbû ku ser di dawiya  
1994'an de rû da?

Ev bûyerên hanê ji çend aliyan ve  
bîvê nevî me jî, ji nêzîk ve têkîdar di-  
ke.

Türkiye endamê NATO'yê û REHE'yê  
ye û niha jî hewl dide ku bibe endamê  
Yekîtiya Ewrûpayê. Dîsa dewleten li  
bakurê me mîna Çeçenîstan, Erme-  
nistan û komarên Tirkî li Asyaya Na-  
vîn bûne endamên REHE'yê.

Dewleten Rojava ji bo ewlekarî û ber-  
jewendiyên xwe mudaxeleyê dikin.

Reqabet û nakokiyê di navbera Rûsyayê  
û bi taybetî DYA û Almanyayê  
de li ser Kafkasyayê, Asyaya Navîn û  
Rojhilata Navîn, wê bidomin.

Tevgera Rizgariya Neteweyî dikare  
van nakokiyân baş binirxîne û jê südê  
wergire.

## F A L



BERAN

(21 Adar - 20 Avrîl)

Hin tengasi derketine pêsiya we, lê tengasi dertene pêsiya herkesi. Zehf nefikirin. Di nêzîk de deriyekî mezin û hesin wê li ber we vebe. Bêhnfirehî mirov dertine ronahiyê. Gava bêhna we teng bû, binivîsinin an jî têkevin greva birçitiyê.



GR

(21 Avrîl - 21 Gulan)

Hûn di van rojan de li xwe qet nanêrin. Èdî dev ji derdorêن xwe berdin, hinek jî bi xwe re eleqedar bibin. Her çiqas hûn însanekîê bi tedbir bin jî, jî ber eynadiya xwe hûnê zehf poşman bibin û di quncikê xwe de rûnîn.



CEWÎ

(22 Gulan - 21 Pûşper)

Hûn çawa biley xwe noqî nava pirsgirêkan dikan, wisa jî, jî nişka ve ji ber çavan winda dibin. Pir caran kesen ku baweriya xwe bi we tînin, hûn wisa zoq dihêlin. Heke hûn wisa dewam bikin wê kes li dora we nemîne.



KEVJAL

(22 Pûşper - 23 Tirmeh)

Rojen li pêş, wê ji bo we hin serêsiyan çebikin. Ya rast ew e ku hûn bisebr û qerar çavê xwe ji ser hedefa xwe neneqînin. Ji cihekî dûr wê çend qîrûş pere jî, jî we re bêن. Lê çi feyde ku berîkên we quî in.



ŞER

(24 Tirmeh - 23 Gelawej)

Birca we ya ku bilind dibe êdî nabiriye. Ji şikefta xwe derkevin. Hê jî hûn dibêjin em qral in? Naal! Èdî bes e! An hûn ji mafêن heywanan bêxeber in, an jî wekî însanan, we xwe li keriyê daniye.



SIMBIL

(24 Gelawej - 23 Rêzber)

Ev hefte ji we re ne baş xuya ye. Xwe ji belayan biparêzin. Hay ji xwe hebin. Dilê heval û dostêن xwe nehêlin. Dawiya tengasiyan firehî ye.



MÊZIN

(24 Rêzber - 23 Kewçer)

Bêqerârî û tembelî ne baş e. Divê hûn hin qeraran bidin. Ev qerar di jiyana we de cihekî girîng wê bigirin. Li ser wan baş bifikirin jiyana we ronahî ye.



DÜPIŞK

(24 Kewçer - 22 Sermawez)

Emirdayîna mirovan li xweşîya we diçe û bi vî awayî hûn mirovan ditîrsînin. Lê dîsa jî hûn nefsbîcûk in. Dev ji daxwaza xwe ya ku divê mirov ji xwe re bibin kole, berdin. Li hemberî mirovan bliñsanî hereket bikin.



KEVAN

(23 Sermawez - 21 Berfanbar)

Gerek e êdî hûn dev ji vê sersariya xwe berdin. Hevalen dora we ji we'pir şikayetê dikan. Heval û dostêن xwe bipirsin û bi ser wan ve herin. Li hêviya we ne.



KARIK

(22 Berfanbar - 20 Rêbendan)


Hûn ji tertibiyê hez dikan. Dixwazin herkesen li dora we jî bi tertip be. Û ji bo vê yekê hevalen li dora xwe jî teşwîk dikan. Ev tertîpbûna we, gerek e hevalen we aciz neke. Carina tiştan nebînin.



DEULIK

(21 Rêbendan - 11 Reşemî)

Li gorî hevalen we hûn li asîmanan difirin. Divê hûn weerin erdê. Dev ji xeyalên vala berdin. Rastiya dinyayê ne wekî ku hûn dibînin e. Hay ji xwe hebin. Çavên xwe vekev.



MASÎ

(20 Reşemî - 20 Adar)

Çavê we ronî be. Di van rojan de gelek pere dikeve destê we. Èdî ji aliyê aborî ve hûn tengasiyê nakışînin. Lê tiştik heye ku mirov zehf meraq dike, çavkaniya van pereyan ku der e? Hêvî dikim ku ne pereyên heram bin.

## DEMIRAL &amp; GOLDI



Wi fermaña xwe hilda,  
wê derketa nêcîre.



Li hespê xwe siwar bû.  
Hespê got: Emê dîsa bi dû Daltonan,  
Pardon DEP'anan bîkevin?  
Wi kîvegerand: Na. Emê icar biçin  
serdana Özgür Ülkeye, pist re jî herin  
haydute bi navê Yasar Kemal bigirin




Ez nêcîrvan im  
Xwediye Seyê resen  
Nobedar im  
Li komara Türkân

Zanyar im  
Li serkûtina mirovan  
Lê, ax goldî, goldî  
Dil cawa dikişine vî kul û derdi

Nêcîrvan: Va ye ruhê goldiyê min  
Hesp: Na lo, tu êdî xewnerajkan dibînî, ev  
nişana nû ya komara me ye.




Ew rojen xweş hatibûn  
bîra wi.



Dengê hespê ew bi ser xwe ve anî:  
Ez ji vê rojnameya Özgür Ülke  
tiştîkî fêhm nakime, sansur ci ye?  
Ew le vedigerine: Xwezi ez li Stenbole  
bûma, kest get tiştîk jê fêhm nedîkir.



Dîsa vegevî ser  
ramanen xwe, poniji.



Ev roja reş hate bîra wi  
Mirina birayê neviyê wi, Goldî.

Motin & Samî & A. Söllözü

wî berî 400 salan dîroka kurd û Kurdistanê nivîsand

# ŞEREFXANÊ BIDLISI Û ŞEREFNAME



## Şerexfan di sala

**1597'an de dest bi nivîsandina pirtûka xwe kiriye, piştî du salan bi xebateke berdewam pirtûk kuta kiriye, lê bi zimanê farisî ew pirtûk nivîsandîye. Cara pêşin di sala 1860'an de li Sanpitrosborgê ji aliye F. Milinov, Zirinov ve hatiye weşandin û pêşgotineke hêja jî bi zimanê fransizî der heqê Şerefnameyê de hatiye nivîsandin. Tê de ev gotin heye: "Rûmeta zanistî ya vê dîrokê cihê guman û kêse nîn e, di gel ku 300 sal jî bi ser de derbas dibe hê jî di rojhilat navîn de karekî wisa ku di se-wiyeya wê de be, nehatiye kîrin."**

Serefxanê Bidlisî dibêje: "Heya niha kurdan û xeynî kurdan jî tu tişt der heqê me de nenivîsandine, lewma min jî bîryar stand ku li gorî hêza xwe, dîrok û serpêhatiya serok û serdarê kurdan berhev bikim û di pirtûkekê de binvîsim. Nav jî lê bikim "Şerefname". Bi tenê jî mebest û armanca min ev e; divê mezin û serkêşen me navêwan wîndânebin û keda wan bête paras-tin."

Serefxan di sala 1597'an de dest bi nivîsandina pirtûka xwe kiriye, piştî du salan bi xebateke berdewam pirtûk kuta ki-

riye, lê bi zimanê farisî ew pirtûk nivîsandîye. Pirtûk cara pêşin di sala 1860'an de li Sanpitrosborgê ji aliye F. Milinov, Zirinov ve hatiye weşandin û pêşgotineke hêja jî bi zimanê fransizî der heqê Şerefnameyê de hatiye nivîsandin. Tê de ev gotin heye: "Rûmeta zanistî ya vê dîrokê cihê guman û kêse nîn e, di gel ku 300 sal jî bi ser de derbas dibe hê jî di rojhilat navîn de karekî wisa ku di se-wiyeya wê de be, nehatiye kîrin."

Ji bili weşana Sanpitrosborgê jî çend carê din Şerefname hatiye weşandin, di sala 1930'an de li Misirê bi farisî hatiye weşandin, di sala 1958'an de jî erebiya wê jî aliye M. Ali Ewnî ve hatiye wergerandin, her li Misirê û jî aliye wezareta perwerde û fêrkirdinê ve hatiye. Nivîskar û dîrokvanê kurd Mela Cemîl Rojbeyanî jî Şerefname wergerandiye ser zimanê erekî û gelek perawêzen girîng jê reçekirine.

Di vê berhemâ mezîn de Şerexfan dibêje: "Ji ber ku kurdan tu car di bin siya serokatiyekê de kom nebûne, lewma li hev nakin û xwîna hevdû dirêjin, guhdarî hêdibûnê nakin û pir zû bi hêrs dibin." Xuya ye çav-kaniya Şerexfan jî wekî bi xwe

dibêje, ji hindek nivîsen farisî û serpêhatiyen ku wî jî mirovîn bi temen (bi emir) û xwedî ez-mûnen kurd bihistine, pêk hatiye.

Ev berhemâ mezîn ku der heqâ dîroka kurd û Kurdistanê de hatiye nivîsandin, bi tenê bi zimanê kurdî nîn bû, heya ku rewşenbirê hêja û nivîskarê bi nav û deng Hejar ew wergerand ser zimanê kurdî (zavayê soranî). Di sala 1972'an de "korî zanyarî kurd-Enstituya Kurdî-Bexdad" wergerandina Hejar diweşîne û belav dike. Hejar pêşgotineke binirx ji boy Şerefnameyê nivîsandîye ku 44 rûpel e. Xuya ye ku Hejar bi cureyeke baştir Şerefnameyê bi gelê xwe dide naskirin, ji ber ku bi zimanekî wisa wergerandiye ku pir tekûz û lebar e. Komeleyek ji rewşenbir û dîrokvanen kurd jî şahîdên vê rastiyê ne û der heqê wergerandina Şerefnameyê de fikir û ramânên xwe nivîsandine. Heya niha jî rewşenbirê kurd dibêjin: "Dibe ku wergerandina Hejar ya Şerefnameyê bibe bingeh, ji bo zimanê yekgirtî yê kurdî."

Şerefnameya ku wergerandina Hejar e, bi tevî pêşgotin, perawêz û lêkolînên xwe ve 1047 rûpel e.

PISMAM

# MIROVAHIYÊ DI AUSCHWITZÊ DE RÛYÊ FAŞIZMÊ DÎT

**R**oja 27'ê rîbendana 1945'an dema leşkerên Yekitiya Sovyetê ketin Auschwitz'ê heyirî man. Komandarê bi tecrûbe General Vasily Petrenkoyê ku yek ji emegdarê ser bû, digot: "Min dît ku gelek mirov hatin kuştin, gelek mirov hatin dardekin û şewitandin, lê dîsa jî li hemberî menzereya Auschwitz'ê, ez ne amade bûm." Tiştê ku ew heyirî dihişt rewşa zarokan bû. Ew ji bo mirinê terk kiribûn.

Berî ku kamp rizgar bibe li wir 65 hezar kes hebûn. Naziyan dema dît ku wê têk biçin, ji xeynî 7 hezar kesî yên din ji bo ku bi rê ve bikujin bi xwe re birin. Ew 7 hezar kes jî jixwe kesen nexwes û zarok bûn.

Ev kampa mirinê ku li navcaya Oswiecim ya Polonyayê, hatibû avakirin. Li wir nêzîkî milyon û nîvek mirov bû mîvan, piraniya wan cihû û kesen li dijî faşizmê bûn. Ji van hinek bûn xwelî û dûman, di firinan de hatin şewitandin. Pir hindik kes ji wir xelas bûn, lê birîna ku di giyana mirovan de vebûbûn bi hêsanî nedihat derman kirin. Wekî gotina

Feylozofê Avusturyayî Primo Leviyê ku piştî 33 salan bi destê xwe dawî li jiyana xwe anî, "Kesî işkencedîti wisa bi işkenceyê dimîne."

Di bihara 1944'an de dema rewşa Almanyayê li hemberî Yekitiya Sovyetê xera bû, refê yekemîn yê cihûyê macar anîn Auschwitz'ê. Di nava du mehan de bi trênan ji welatên wekî Hollanda, Fransa, Slovakia, Yewnenistan û Macaristanê 438 hezar cihû anîn wir. Auschwitz kampa herî mezin ya naziyan bû, lê tu sedem tune ku mirov bibêje ya herî xerab bû. Mirovîn ku dia-nîn dikirin du biran, yên ku bi kêrî kar dihatin didan aliye, yên din jî ji bo şewitandinê didan aliye din.

Kes jî kar re hatibûn veqtandin, di karên giran de dixe-bitin. Di şertên normal de imkana jiyânî li wir tunebû. Mirov di barakayên biçûk de di-man, rojê du caran içtîma hebû, piştî ku dîl li nik hev rîz dibûn, ji nav, yên qels din-e-qandin, dibirin firinê. Xwarina wan jî xurînî û taştê tenê fincanek qehwe, ji bo firavînê şor-beyeke wekî avê bû. Parçeyek

nan jî ji bo şîvî didan wan. Ji bo ku bijîn mirovan dizî dikir.

Di gel van tiştan dîsa jiyân didomiya. Wekî dibêjin, "Dera

lê zîlm heye, berxwedan jî heye." Li Auschwitz'ê jî liberxwedan û heta evîn jî hebû. Çiroka Mala Zimmetbaum û



Auschwitz, berî ku rizgar bibe zarok jî tê de warê 65 hezar kesî bû, car caran jî ji aliye generalên Nazî ve dihat teftîşkirin. Li jêr Generalê naziyan Himmler (yê navîn) di teftîşê de tê dîtin. Li jor jî zarokên kampê li nik hev rîz bûne, li benda teftîşâ wî ne.



Edward Galinski mînakeke liberxwedan û evîn bû.

Zimmetbaum li kampê xwediye statuyeke taybet bû. Ji ber ku wê bi gelek zimanen biyan dizanibû, wek wergê dixe-bitî, lê wê jî bo tevgera liberxwedan jî alîkarî dikir. Heta nasnameyên kesen ku wê bihatana şewitandin, bi ya kesen ku berê hatibûn şewitandin diguherî. Edward Galinski jî girtiyekî politîk ê polonî bû. Dilê wan kete hev, wan bertîl da serbazekî nazî û çeketî leşkerî bi dest xistin, di 24'ê pûşperê de ji kampê reviyan. Her çiqas ew piştî du heftiyan li başûrê Polonyayê hatin gitin jî, rîvîna wan bû jêderka hêviyê ji bo dîlîn din. Dema di 15 rezberê de amadekiriya da-liqandina wan temam bû, tewra wan hêvi xurtir kir. Li ber sêdarê Galinski bend kir stûyê xwe, piştî ku bang kir, got: "Bijî Polonya!" pêhnek li kürsiyê da. Zimmetbaum jî li hemberî giriyen jin, bi jîletê qevdika destê xwe, birî û wisa can da. Çavkanî: Kovara Newsweek'ê

SAMÎ BERBANG

HETA SALA ÇÜYÎ JÎ LI DIBISTANÊN NORWECÊ ZAROKÊN KURD  
BI ZIMANÊ XWE DERS DIDÎTIN. LÊ MIXABIN ÎRO:

# ZAROKÊN KURD LI NORWECÊ LI MAMOSTEYÊN KURDÎ DIGERIN

## Rewşa

### zarokêne me

*Li çar aliyê dinyayê, di hemû civak û welatên pêşketî û medenî de hin mafêن bingehîn hene ku jî aliyê herkesî ve diyar in û herkes dikare wek şexis an jî netewe ji wan mafan iştîfade bike. Iştîfade-kirina ji wan mafan ne zerarê lê feydeyê dide herkesî. Mixabin îro dewleta tirk hê jî bi in-karkirina mafêن bingehîn ên gelê kurd ve mijûl û bi asîmîlekîna şexsiyeta kurdan re eleqedar e.*

*Li aliyê din, li gelek welatên Ewrûpayê zarokêne kurd bi salan e ku dikarin bi zimanê xwe bixwînin, binivîsin û dersan bibînin. Bes, teví vê yekê, li wir jî vê carê kurd rastî problemên din tê. Nebûn an jî kembûna kurdên di hin waran de pispor rê nade ku kurd ji van mafêن bingehîn iştîfade bikin.*

*Mesela li Norwecê ji ber nebûna mamosteyên zimanê kurdî, zarokêne kurd ji mecbûrî bi zimanên din dersen dibistanê dibînin û nikarin bi zimanên xwe perwerde bibin. Gelo bi rastî jî mamosteyên zimanê kurdî tun in? Hebin çawa dikarin destê xwe dirêjî van zarokan bikin an jî ku tunebin çare tune jî vê pîrs-girêka girîng re? Li ser zarokêne kurd ên Norwecê nûçevan û nivîskarê me Memo Darrêz nûçeyeke pêwist li Norwecê amade kir. Bi vê nûçeyê em dixwazin ku hemû eleqedarêne kurd bala xwe bidin vê nûçeyê û li ser bifikirin.*

Dema mirov lingên xwe davêje hundi-ra avahiya rengsorik rastî wêneyên renge rengîn tê ku bêhna ji hev cuda ya welat û qitayan jê tê. Li dîwarêne dibistana Îla nexše û sembolên çanda 22 welatan li hev dinêrin û dikenin. Ne hewce ye ku mirov here odaya rektor û bikeve dû lêkolînan ka li vir ci heye. Li dîwarê ser destê çepê, Mem û Zîn ketine kêleka çemên Ferad û Dîcleyê û evîna xwe ji hev re dibêjin. Ev nexše û wêne bi mirov didin zanîn ku şagirt û mamosteyên Kurdan li vir bûne mîvan û şopa xwe hiştine. Dibistana Îla bûye nîşana "civatake rengîn

ya dewlemend".

### Ji 22 welatan zarok

Di dibistana Îla'yê de ji 22 welatan (Ji Awûsturyayê ta Afrîka û Rojhilata Navîn) ji 100'î zêdetir zarok hene. Di navâwan de mirov rastî zarokêne ji çar perçeyên welatê me jî tê. Dibistan li bajarê Trondheim e û di sala 1980'an de ji bo zarokêni biyanan ku li Norwecê dijîn hatiye avakirin.

Li vir dersen kurdî 4-5 salan berê dest pêkir û sala çûyî jî ji ber nebûna mamosteyên Kurd xelas bû. Di navâwan salan de nêzîkî 20 şagirtên kurd ev derfet bi kar anîn. Di dibistana Îla'yê de nêzîkî 60 şâ-

girtên kurd hebûn û bi piranî jî kurdên Kon-yayê bûn (gişt nebe pîraniya kurdên vir, di navbera salên 1986 û 1989'an de wekî pena-ber hatin. Îro li vir nêzîkî 450 kurd dijîn). Şagirtên ku kurdî nedigirtin, tirkî tercîh dikirin. Dibistan mafê tercîhki-rinê dide dê û bavan. Li bajarê Stavanger û Os-loyê jî kurdî dest pê kîribû, lê ji nebûna şagirtan nemeşî.

### Heftiyê 3 saet dersen bi zimanê zikmakî

Dersen ku li Îla'yê tê dayîn bi norwecî û zimanê zikmakî (zimanê dayik) ne. Ji bo şagirtên polen 1-3'yan (ku bi norwecî barnetrinn e)

seetên zimanê zikmakî ji makî ji norwecî baştır dizanin. Qet nebe li wir bingehêke gotin û bêjeyan heye. Ji bo vê yekê zarok zûtir hînî xwendin û nivîsandinê dibin."

### Mamosteyên biyan

Di dibistanê wekî yê Îla'yê de norwecî wekî andresprak (zimanê du-yemîn) tê binavkirin û mamoste jî norwecî ne. Lê dersen zikmakî ji a-liyê mamosteyên biyan ve tê dayîn û navê wan jî bi norwecî morsmals-laerer (mamosteyên zimanê zikmakî) e. Mamosteyên biyan ku li vir dersan didin an pena-beren ku li vir dijîn e an jî xwendevan ên ku ji bo xwendinê hatine vir in.



Koroya mamosteya zarokêne hindikahiyan



**Di dibistana Îlayê de ji 22 welatan zarok hene.**

Polên ku li vir in wekî polên amadeyî hatine avakirin. Her şagirtek dikare heta 2-3 salan li vir dersan hîn bibe. Piştî 2-3 salan (li gorî rewşa şagirtan) şagirt êdî dikarin di dibistanê hêrema ku ew tê de dijîn de dest bi xwendinê bikin. Li wir jî şagirt dikarin di hefteyekî de 2 saetan dersê zimanê zikmakî bibînin. Lê, ev jî bi giranî dikeve piştî demêndetî (yanê dema dersê norwecî xelas bûn).

**Mafê zimanê zikmakî**  
Li her bajarê Norwecê nebe jî li piraniya bajarên ku tê de biyan hene, dibistan û polên wekî yê Îla'yê hene/hebûn. Li Norwecê ji ku û çawa (wekî penaber, karker, xwendevan...) tê bila were mafê wî/wê yê perwerdeyiya bi zimanê zikmakî heye. Herkesê ku bixwaze, dikare vî mafî bi kar bîne. Ji bo vî mafî plan hatiye çêkirin û di resmiyetê de cihê xwe girtiye. Di pirtûka "Monsterplan for grunnskolen (1987)" (ji bo hemû dibistanê

Norwecê ên pêşin e) rûpel 181, beşa 24'an de armanca dayîna zimanê zikmakî wilô hatiye şîrovekirin:

**Rola dibistanan**

- Afirandina duzimanîyê. Zarokên ku di rewşa duzimaniyê de mezin'dibin, divê bi kêtî herdu zimanen jî werin. Vê derfetê jî inceq dibistan dikare bide wan. Bi riya dibistan û di jiyanê de bikaranîna zimên, zarok dikarin herdu zimanen bi pêş ve bibin. Ziman di axaftinê de navgîneke (araç) girîng e. Bi vê navgînê ew dikarin agahî û zanînan peyde bikin û dikarin bi heval û hawîrdora xwe re bikevin têkiliyan. Di vî warî de zimanê zikmakî roleke mezin dilîze. Ji bo civateke biharmonî pêşvebirina zimanê zikmakî bingeh e.

- Pêşvebirina çanda hindekahiyan. Hewce ye ku zarok der barê boruya xwe de bibin xwediyê agahîyan. Bi vê riyye ew dikarin bi xwe, bi kesanetiya xwe bawer bibin.

Hedefen pirtûka dersen zimanê zikmakî jî wiha tê pêşkeşkirin:

- Divê şagirt li ser literatura welatê xwe bêmotifekirin ku ew bikaribin xwedî li kesanetiya xwe, nîfş û çanda xwe, malbat û welatê xwe derkevin û bi wan jî serbilind bibin.

- Divê şagirt di derbarê welatê xwe û çanda hindekahiyan yêni li Norwecê bibin xwedî a-gahî û zanînê.

- Divê danîna zimanê wekî bingeh bê girtin. Yanê gerek e hîndekariyeke wilô bê dayîn ku şagirt bikaribin zimanê xwe deynin û pêşve bibin...

**Pirtûkên dersên kurdi li Norwecê**

Li gorî planê, di dibistanan de armanca hîndekariyeke birêkûpêk ew e ku şagirt bibin xwedî agahî û zanînê rast. Ji bo vê yekê jî divê pirtûkên ku di dersen zimanê zikmakî de têx xwendin, jî aliye dibistanen norwecî ve bêq qebûkîrin (pejirandin), şertên ku dibis-

tan dixwaze tije bikin; hem ji aliye qelîteyê ve hem jî, ji aliye din ve li cih bin. Tiştên wekî propagandaya politikî û hwd. tê de tunebin. Ji bo çêkirina pirtûkên nû dewlet alîkariyê jî dide.

Di dibistana Îla'yê de pirtûkên ku ji bo zimanê kurdi dihatin bikaranîn:

- Em bixwînîn, em bînîvîsin

- Em bixwînîn 2

- Cografya Kurdistanê, Tigrîs-Germiyanî

- Dîroka Kurdistanê, Tigrîs-Rezazî-Gardawan

- Kurterastî, Tigrîs, Welatevîn

- Kürtçe Gramerî, Celadet Bedirxan-Roger Lescot

- Çirokên M. Emîn Bozarslan (Melayê meşhûr, Mîr Zoro,...)

- Pirtûkên Astrid Lindgren ku wergerandine kurdi

- Materyalên din.

**Dîroka maftirtina zimanê kurdi**

Li Norwecê dîroka maftirtina zimanê zikmakî dûr e. Heta zimanê miletê Samiyan

ku li bakurê Norwecê dijîyan jî 30-40 sal berî niha dihat qedexekirin û pê henek dihat kirin. Herwiha biyaniyê ku piştî 1970'an wekî karker hatin Norwecê bêhînbûna zimanê Norwecê direkt diçûn febrîqeyan û dest bi kar diki-

rin. Di salên 1970'an de çavkaniyê petrolê hatin kifskirin û rî li ber endustriyê giran vebû.

(îro Norwec di îreckirina petrol û gazê de di rîzên pêşin de cih digire) Vê yekê bi her awayî rewş guherand. Di her warî de maf zêde bûn. Ji wan yek jî di dibistanen Norwecê de dayîna mafê perwerdehiyê bi zimanen zikmakî bû.

Wilô dixuya ku hem ji bo Norwecîyan hem jî, ji bo komên hindekahiyan

çerxa zêran dest pê kribû!

Pêl bi pêl penaberan dabû pey hev di sînoran de ketibûn rezê ku ji

çerxa zêran para xwe bigirin. Her tişt belaş di-

xuya! Norwecîyan

perên xwe vekirbûn, bi-

yaniyan xwe kişandibûn

bin, rûyên Norwecîyan

dikenîyan. Pir bû. Bavê

ji xwe re, lêw ji xwe re dikişand! Ji qilubeyen telefonan heta bêrban-gan deng bilind dibûn: "Lawo mezeke! Qam-yon û zeviya xwe bifiro-şe were! Dewlemendî davêje." Amerîkayeke nû hatibû kifskirin.

**Rewşa îro**

Lê, niha demê jappe-tidê derbas bû. Norwecî êdî bi xwe hesiyan! Bi sendromekê ji xewnê rabûn! Tiştên ku çend salan berê bi rasîzmê dihatin binavkirin, îro bûne bingeha tebaten resmî. Li serbajar Oslo zimanê zikmakî rabûye. Sedem aborî û faktorên din bin jî wilô tê ziman: "Zarokên biyanan nikarin norwecîyeke baş hîn bibin. Gelekî bi zimanê xwe diaxîfîn û di dersen norwecî de jî bi ser na-kevin. Dema nikarin zimanê norwecî baş hîn bibin, nikarin kar jî bigirin û entegreyî civata Norwecê bibin. Hingê ciwanen biyan yêne bêkar dikevin kolan û kuçan û dibin krîmînel."

**MEMO DARRÊZ**

Ji aliyekî ve hêzên ARGK'ê li cerdevan didin, li aliyê din;

# Cerdevan xwe bi xwe li hev didin

Ji 20'ê rîbendanê û vir de şer wekî li çiyayan li metropolan jî gur di. Li gelek bajarê Kurdistanê û metropolan Tirkîyeyê livbaziyan gerîlayen ARGK'ê zêde din.

**20.1.1995**

Li çola di navbera Farqînê û Pasûrê de gerîlayan êrîşî leşkeran kir. Di êrîşa gerîlayan de 5 leşker mirin, 3 leşker birîndar bûn.

Kesek bi navê Maşallah Söyler li Edeneyê li taxa Denizliyê hate kuştin. Tê gotin ku, 'Maşallah Söyler' itîrafkar 'bûye û ji esnafan bî zorê pere standine. Kuştina wî tîmîn bajaran yên ARGK'ê hilgirte ser xwe.

Sercerdevanê gundê Nivina Şérwanê, Halil Bala, li Stenbolê taxa Sultanbeyliyê ji aliyê hêzên ARGK'ê ve hate kuştin.

Cerdevan li Dêrikê li gundê Meşeliyê di nav xwe de şer kir. 5 cerdevan mirin, 8 cerdevan birîndar bûn.

**21.1.1995**

Gundê Henidiliya yê Mêrdînê, ji aliyê hêzên dewletê ve hate şewitandin.

Li Mêrdînê, gundê Şêxgirê ji ber pêkutiyen hêzên dewletê hate valakirin.

Cerdevanen gundê Xerepreşkê li hev dan, 7 cerdevan mirin, 7 cerdevan birîndar bûn.

Polîsekî siyasi li Stenbolê mirî hate dîtin. Der heqê bûyerê de agahî bi dest neketin.



Li Kercewsa Elîhê, gerîlayan avêt ser gundê cervanan Bağlıcayê, di cerda gerîlayan de 2 cerdevan mirin, yek jî birîndar bû.

12 şûbeyên banqeyan hate bombe û molotof kîrin. Ew livbaziyan ku li gelek dêwerên Stenbole çê bûn, endamên TKP/ML-TIKKO hilgirtin ser xwe.

**22.1.1995**  
Di navbera Misircê û Qubînê de, konvoya leşkeran li mayînên gerîlayan leqîti. 8 leşker mirin, 2 panzer texrîp bûn.

Li dora qereqola Eynî ku Şernexê ye, bi mayînên gerîlayan gele

leşker mirin û birîndar bûn.

Şûbeya İş Bankası'ye hate molotof kîrin. Endamên THKP/C berpis-yarı girte ser xwe.

Polîs û cerdevan di navenda Culemêrgê de li hev dan. Komîserek mir, polîsek û cerdevanek birîndar bûn.

**23.1.1995**  
Gerîlayen ARGK'ê û hêzên dewletê li çola Sasonê li hev dan. Di şerî di navbera gerîlayan û leşkeran de 8 leşker mirin, 20 leşker birîndar bûn.

Li çiyayê Gebarê, leşker ketin kemîna gerîlayan. Di kemîna gerîlayan

de 3 leşker mirin.

Panzereke leşkerî li nêzîkî Elîhê wergeriya. 4 leşkeren di panzerê de birîndar bûn.

Di navbera Amedê û Licê de erebeyeke leşkerê wergeriya, 8 leşker birîndar bûn.

**24.1.1995**  
Li çola Hêne gerîlayan êrîşî leşkeren ku derketine operasyonê kir. Di êrîşa gerîlayan de 2 leşker mirin, 2 leşker birîndar bûn.

Li gorî agahîyen Kurd-A'yê; 'Gerîlayan avêt ser gundê cerdevan Midibê, di cerda gerîlayan de gelek cerdevan mirin û birîndar bûn.'

Li gorî agahîyen

bûn.

Operasyona hêzên dewletê ya lí aliyê Dihê ji ber serma, berf û xelas-bûna erzaqê sekinî.

Cerdevan li gundê Xirabreşkê di nava xwe de li hev dan. 2 cerdevan mirin, 3 cerdevan birîndar bûn.

Ji ber pêkutiyen hêzên dewletê, gundê Kirdilekê ya Mêrdînê hate valakirin.

**25.1.1995**  
Li çola Xêzzêrê, gerîlayen ARGK'ê êrîşî leşkeren ku derketine operasyonê kir. 8 leşker mirin, 2 leşker birîndar bûn. 2 erebeyen leşkerî imha bûn.

Erebeya cerdevan di navbera Şernex û Amedê de wergeriya. cerdevanek mir, 4 cerdevan birîndar bûn.

Hêzên dewletê camiya gundê Zeko ya Bisimîlê şewitand. Tê gotin ku, sebebê şewitandina camiyê qebûlnekirina cerdevaniyê ye.

Li Stenbolê du kes bi navê Asker Simko û Zebla Nazim hatin kuştin. Tê gotin ku, her du kesa jî alikariya MİT'ê dikirin. Kuştina wan ARGK'ê hilgirt ser xwe.

Li Stenbolê bayiyekî AEG'ê hate bombe kîrin. Komîteya Herêma Marmarayê ERNK'ê ev livbâzî hilgirt ser xwe. Gotin ku, livbâzî ji bo protestokirina qetîfamên Kurdistanê û şewitandina gun-dan hatiye kîrin.

**26.1.1995**

Di çola Pasûra Amedê de, gerîlayen ARGK'ê cerdi ser leşkeran kir. Di êrîşa gerîlayan de 3 leşker û gerîlayek mirin, gelek leşker birîndar bûn.

Li Çewlikê, di navbera gerîlayan û leşkeran de şer derket. 2 leşker mirin û gerîlayek mir, 2 leşker birîndar bûn.

Boriya petrolê ya di Qubînê re dibore hate bombekirin. Gerîlayan 2 kuleyên petrolê jî texrîp kîrin.

Li gorî agahîyen ku ketin dest, hêzên dewletê li Ciyyâye Cûdî, li mintiqaya Grê Sor ji bo operasyonê hêzên xwe dici-vînin.

**Navenda Nûçeyan**

Lem rojane da, agrî şerekî narewa zorbey nawçekanî başûrî Kurdistanî girtotewe,

ew iş şerî birakuji, yan rast tir bilêyn, şerî xokuji û kurd-kuji nêwan herdu hêzî mezînî gorepanî başûr, YNK û PDK ye. Dîrokî em şerî kurd le naw birdin e degeretewe bo deyan sal pêş emro, her le diway hereşenî şoreşî Mela Mustefay Barzanî yewe, heta emro berdewam buwe gerçî şêwazekeşî cuda bûbêt.

Le seretay şerî nêwan Iraq û Iran da dîsan herdu hêz heta le tiwanayan da bû le

## Le başûr; baasî qiran e yan kurd qiran ?!

çiyakan be wêzey yek de hatin, belam ew dem şer weku witman le çiyakan rûy da û le gel be dûr bû, rastewxo ziyan be gel nedegiştî diway karesatî cerîg birî ENFAL û be hewl û koşîş û le jêr palepestoy dostanî herdu lada, le salî 1988 da Berey Kurdistanî (BK) damezra û be şêweyekî katî nakokiyezanî nêwan herdu hêz berew çareser kirdin çû. Belam diway serheldane mezinekey salî 1991, hêze

derekiyezanî pêkhatû le welatanî hawsê û rojawa kewtine helpey konrolkirdinî barudox le Kurdistanî Başûr, boye her le seretay geranewey YNK û PDK ewe bo niştiman, mîmlanê nakokiyezan berew firawan bûn deşûn, be corê ke legel helbijardînî parleman û damezrandînî hukumeti herêmî Kurdistan da ew nakokiyeş perey send ta geyîş be ewey ke gel çaweriwanî dekird û lêy detîrsa, wate kulandin ewey birinî

kon û helgîrsanî şerî birakuji. be guman herdu rijêmî faşistî tîrk û Iraq, rastewxo le şerekânî par û estay başûr da dewrî serekî degîrin, be taybetî Turkiye ke xoy mezin tirîn perçey Kurdistanî kirdiwe be gorepanî şer û qirej tirîn corî şer le mîjû da derheq be gelî kurd piyade dekat, lem lawe xoy kirdiwe be axay başûriyan û benzîn be ser agreke da dekat hanî layenêk dijî ewî tir dedat. Pêwîst e ke gelî kurd le

başûr le aga bêt û dost û dujiminanî xoy nas bikat, ne dewlefî tîrk û ne Iraq hîciyan dostî kurd nîn, itîr piş bestin be ewan le pay çî ?! Ewey ke dost û palpîşî ême bêt, tenha gelî Kurd e, ca ci le başûr bêt yan le bakûr yan le rojhelat. Diwêne hemû be yek deng hawar man dekird; basî qiran e, keçî êsta wa debînîn hevokî kurd qiran ba yek bikujin. De ba ew hele mîjûye ke le başûr helkewtuwe le dest nedeyn û ew karwane bigeyenîn be menzîlî serbexoşî.

**BEKIR BAHOZ**

ZIMANÊ KURDÎ Û TÎPÊN LATÎNÎ (2)

# DIVÊ ZIMAN NEYÊ XESANDIN

**Xortêne yênu ku li gundan nejiya ne, van dengan ji hev dernaxin.**  
**Li gorî dengêng bingehîn, hînî zimanê nivîskî bûne.**  
**Ji ber dengêng kêm, bilêvkirina bêjeya li hev siwar dikan. Bê çawa nivîsandiye welê dixwînin.**  
**Ango zimanê xwendin û axaftinê nizanin. Bi ser de ji rexneyan li nivîskaran digirin. Ji aliyeke ve mafê wan ji heye; welê dizanin.**

**Z**imanzan, zimanzan nakesixînin, diştilînin, aşef dikan (ji bêjeyen biyanî paqîj dikan). Rastî ev e, zimanzanîtî ev e, xizmet ev e. Tirsa min ev e ku rewşenbîrên me dê rojekê bibêjin: "Xwendin, axaftin û nivîsandina bi zarê kurmancî dijwar e. Tirkan em hînî tirkî kirine, va ye em bi zimanê Ewrûpiyan ji dizanin, kurmancî ji me re ne pêwist e. Ka em dev ji vî zimanê tevlîhev û ku li alfabejan ji naedile berdin." Birano, hevalno, rewşenbîrno, nivîskarno û zimanzano divê bi her awayî em li zimanê xwe xwedî derkevin û dewlemendiya wî bîparêzin. Zimanê xwendin, nivîsandin û axaftinê, nola zimanê her neteweyî bikin yek ku, di

pêşerojê de em fedîkar û rûres dernekevin. Em hîna di serê sedê de ne. Derfetêne fireh di destê me de hene. Em ji destê xwe nerevînin. Ji bilî van di rêziman de qayideyek heye, ew ji ne pir girîng e. Du tîpêne ji hev, nayêni nik hev. Nivîskaran ji ber dengêng kêm, ev qayide ji mêj ve rakirine, berdane. Wekî: Pirr: çok – kerr: sağır.

**Cend mînak**

Bêje û navênu ku nivîsandina wan yek, lê xwendin û bilêvkirina wan ji hev û din cuda ye, min li xwarê (jêr) navnîş kirine.

Çem: asa– Çem(chem): rûbar  
 Çal: alaca– Çal(chal): kortik  
 Ka: ver– Ka(kha): saman  
 Kanî: hani– Kanî(khanî): pinar  
 Kar: iş– Kar(khar): oğlak  
 Ker: eşek– Ker(kher): sağır  
 Kew: leke– Kew(khew): keklik  
 Kal: ham– Kal(khal): ihtiyan  
 Kêr: bîçak– Kêr(khêr): yarar(h)  
 Peya: gurur– Peya(pheya): ya-ya kişi  
 Pol: sınıf– Pol(phol): kürek kemîgi  
 Par: pay– Par(phar): geçen se-ne  
 Ta: sıtmâ– Ta(thâ): dezî, iplik  
 Tû: tükürük– Tû(thû): dût  
 Tar: amûrê muzîkê– Tar(thar): tara bêjingê  
 Torîk: cureyek masî– Torîk

(thorîk): wawîk, çeqel  
 Tol: intikam– Tol(thol): çapkin, berduş

Tu: hiç– Tu(thu): sen  
 Kêl: bir tartı birimi– Kêl(khêl): dikili taş, kaba taş

Kon: eski– Kon(khon): kıl çadır (khônê reş)

Ji bilî van dengan (Z) û (R) ji heye, lê ne zehf girîng e.

Zirav: ince– Zirav: öd kesesi

Têr: tok– Têr: heybe

Pir: köprü– Pir: çok

Birîn: yara– Birîn: kesmek

Ber: ürün– Ber: hali

Herî: çok– Herî: çamur û hwd...

**Rexneyen nerast**

Xortêne yênu ku li gundan nejiya ne, van dengan ji hev dernaxin. Li gorî dengêng bingehîn, hînî zimanê nivîskî bûne. Ji ber dengêng kêm, bilêvkirina bêjeya li hev siwar dikan. Bê çawa nivîsandiye welê dixwînin. Ango zimanê xwendin û axaftinê nizanin. Bi ser de ji rexneyan li nivîskaran digirin. Ji aliyeke ve mafê wan ji heye; welê dizanin. Lê nivîskar xeletî nekiriye, rast nivîsandiye. Rexneya ku Nûşer Dîlan di der barê "Eşa Zirav" de li Gabar Çiyan gititiye, ne li rî ye. (Rojnameya Welat, hej.94, rûpel:2). Gabar Çiyan navê pirtûka xwe rast nivîsandiye. Ez Gabar Çiyan xweş dinasim, navê wî yê zikmakî ji dizanim. Em xal û xwarziyê hev in. Eşa Zirav biwîjeke taybeti ye. Tuberku-loza pişikê (kezeba sor) ye. Ew mirovî bi vê êşê dikevin jar û zirav dîbin. Ji ber vê yekê ev navê taybet standiye. Ne êşa kîsikê zaferanê ye. Bilêvkirina zirav (ince) nerm e, narîn e. Ya zirav (öd, kîsikê zaferanê) Z û R qalind e, qe-be ye. Zirav (ince) Z û R bi serê ziman, zirav (öd kesesi) Z û R bi noqa ziman tê derxistin (gotin).


**Daxwazek ji sazî û zanîngehan**

Daxwaziya min ji sazûmana ziman û rîziman ya zanîngeha kurdî ev e: Herkes dizane û têghîştîye ku we barekî mezîn û berpirsi-yariyeke neteweyî hildaye ser milêñ xwe. Derfetêne we kêm in û astengêne we zehf in. Di nava xwe de dev ji kîşeyê berdin. Ch, kh, ph, th, yêbi kar bînîn. Ne zor e, ne zehmet e. Pir hêsan e. Hûn dikarin di salekê de du caran navê mehan biguherîn û bi me navê 12 mehan bi du cureyan bidin ji-berkirin. Ma em nikarin tîpa h'yê, di ber ya c'ye xin? Li wê sazûmanê rastkirin û pejirandin; li me ji jîber kirin. Bila zehmetiya ca-rekê be lê, ne kesixandin û seket-kirina zimanê kurdî be.

Î. OMERÎ

## DEFTER

Bazirganiya pûç û vala



AMED TIGRIS

gariya neteweyî ya Kurdistanê, niha di kîjan pile (derece) de ye, ci ye? Ji deh salan ve heta niha bi hezaran şehîd hatin dayîn. Bi milyonan kurd ji ser axa xwe hatin koçberkirin. İro bi milyonan Kurdistanî di nav vî şer û têkoşînê de bi aktivî cihêن xwe girtine û têdikoşin. Dewleta Tirk ketiye krizeke aborî, siyasî u leşkerî ku nikare ji nava derbikeve. Di vê dema girîng de, hinek kes û derdorênu ku heta niha bi karê xwe daktebûn, iro li ser navê kurdan derketine holê û bazirganiya siyasî dikan. Ev plan û strateji vala ne û pûç in. Yek, êdî gelê kurd ne wekî çend salan berê nezan û bêpolîtika ye. Ew bi xwe 10 sal in ku di nava şerê azadiyê de şer dike û bi her cureyê şer û politikayê dizane. Dido, serokekî wî heye ku nêzîkî 20 salan e ew têdikoşê û gelê kurd wê wekî serokatiya neteweyî qebûl dike. Sisê, gelê kurd ne wekî çend sal in berê bêrêxistin û bêpergal e. Ew xwediye rîxistîneke modern û şoreşger e. Di her warê jiyanê de birêxistin e. Ji rewşenbîran heta karker, gundî, esnaf û komên dînî hatine birêxistinkirin. Ya hejî girîng bawerî, parastin û garantiya vê têkoşînê ji, 30 hezar têkoşerên li serê çiyayê Kurdistanê ne. Divê baş bête zanîn ku bazirganiya vê şoreşa neteweyî ya mezin nayê kirin. Bedêla wê giran e. Bedêla xwîna şehîdan nayê firotin û kirin!

## Di kurdî de muzîkeke cihêreng


**K**aseta Ciwan Haco ya dawî di sersalê de derket. Ciwan Haco di vê kaseta xwe de ji, ji bo nûjenkirina muzîka kurdî hin formen nû diceribîne.

Di kasetê de ev stranen jîrîn cih digirin. Li berga A: Serbariyek, Ziravê, Bida, Gula deviya, Siba, Servan. Li berga B: Dûrî, Yara derew, Dil ji min bir, Çavres, Esmer, Lawê min.

Enstrûmanen ku di kasetê de hatine bikaranîn, ji aliye biyaniyan ve û bi awayekî şarezayî hatine lêdan. Enstrûmanen ku hatine bikaranîn û kesen ku lêdidin ev in:

Drums, percussion: Paola Vinaccia  
 Elektroakustik gitar, gitar, û Armonika: Knut Reiersrud  
 Bass-gitar: Kjell Arne Jensen  
 Akordiyon: Eivind One Pedersen  
 Elektrik Gitar: Morten Molster  
 Snaytzer Keyboards: Trond Înge Olsen  
 Flût, zirne: Hasse Jorgensen  
 Vokal, saz: Ciwan Haco

Kaset bi navê "Dûrî" û ji aliye weşanen Çarçira ve hate weşandin.



CARÇIRA

DERWÊŞEKÎ MEZIN DI QEWLÊN ÊZIDIYAN DE

# HISÊNÊ MENSÛR - HELAC

**Gelo ci têkiliya Helac  
bi êzidiyan re heye?**  
**Tevî ku Helac mîna  
dîndarekî İslâmî ye  
û wekî kesekî sûfî tê  
naskirin, lê di bingeha  
hîzrên xwe yêñ derwêşî  
de, xwediyê bîr û  
baweriyêñ taybetî bû ku  
bi kokêñ xwe,  
xwe digihand dînêñ  
îranê yêñ kevin û  
bi taybetî êzîdîtiyê.**

**H**elac, bi nav Hisênen Mensûr e. Di nava hozaniya (filezofiya) derwêşiyê (sûfizm) de cihekî berz û bala digire. Helac, li bajarê Beyzayê (li Îranê) hatiye rûyê dinyayê. Di dema Ebasiyan de dijiya. Bîr tûj, hîstenik û dilşewitîyê mirovahiyê bû. Li dijî zordar û xwînmijan herdem bîr û bawerî û gotina xwe mîna şûrê rastiyê dikişand. Ne zindan û ne girtîgehan, ne jî, qamçiyê celadan nikaribûn Helac jî riya wî bi paş ve vegerînin. Di dawiyê de serê xwe bi gorî bîr û baweriyêñ xwe kir.

Di axaftineke xwe de, ji Şêx Cinêd (Cineyt) re ku hogirek jê rîbaza derwêşiyê (sûfizmê) bû dibeje:

- Bo ci ev malê zehf û zor di desten hin kesen taybetî de ye û yêñ kar dikin û renc didin hêstireke bi tenê nîn e.

Şêx Cinêd dibêje:

- Ev e qismetê wan ê ku Xwedê daye wan.

Helac:

- Bo ci Xwedê bi terzekî baştır vî malî lêk venake?... Ayî! Heke rojoke bi tenê destûra min dabûya ku lêk vekim, min dê hemû alem razî kiribûya.

Ev axaftin dibe sedema bidarvekirina Helac û şewitandina laşê wî. Di roja 26'ê adara 922'an de, dadgerê Bexdayê yê aliyê rojhilat Ebû Omer bin Yakûb Şêx Hesen fermaña bidarvekirina Helac da. Her wiha laşê wî sotin û bi ava Dîcleyê de berdan.

Niha nîşana Helac mîna ya hemû xasen êzidiyan li gelîyê Lalişê heye. Xewlekî dirêj jî, li ser tê gotinê.

Gelo ci têkiliya Helac bi êzidiyan re heye? Tevî ku Helac mîna dîndarekî İslâmî ye û wekî kesekî sûfî tê naskirin jî, lê di bingeha hîzrên xwe yêñ derwêşî de, xwediyê bîr û baweriyêñ taybetî bû. Bi kokêñ xwe, xwe digihand dînêñ îranê yêñ kevin û bi taybetî êzîdîtiyê. Helac, Ezazîl (İblîs) súcdar nedikir, ew mafdar didit ku, ji Adem re secede nekiriye ji ber ku: "Ezazîl ji nûrê û Adem ji qûrê bû." Dema

bidarvekirinê berevanî ji Ezazîl dixwest. Ew bi xwe ji xelkê Beyzayê ye û hin dibêjin ku ji Ormê ye. Ne dûr e ku têkiliyên xwe bi bîr û baweriyêñ êzidiyan re hebin. Jixwe felsefeya derwêşiyê di Kurdistanê de, ji van bîr û baweriyân ne dûr e. Helac jî yek ji pêşengêñ vê felsefeyê ye.

Di qewlê Helac de, astengiyêñ wî yêñ di nava destê zebeniyêñ xelifevê Ebasi Muqtadir Bilâh de, diyar dibin. Gazinêñ wî ji birayê wî yê axretê Şêx Cinêd hene, lewre nehêniya wî eşkere kiriye. Di vê astengiyê de, kes lê xwedî dernakeve. Heta bi xwişka wî Xecêya Xorestanî, ew jî jê direve.

Qewlê Hisênen Mensûr – Helac  
Ji bada ney dîn im  
Mesta melomîn  
Werin halê Hisênen bibîn  
Ji bana we fer bûye  
Hisênen çû bêrecû ye  
Hisênen serê xwe dabûye  
Hisênen li hiseyn e  
Ewî vexwar ji kasa beyn e  
Lew serê xwe dabû fer li eyn e

Hisênen li Helac e  
Ewî vexwaribû ji kasa sîh û  
milanc e  
Lew bû şera qaziya  
Hisênen serê xwe dikire armanc e

Ey çako ji çakêd Meda  
Hisênen çakê cewda  
Padşê min kasek bi te da  
Lew Hisênen serê xwe li ber rî û  
îfîqada xwe da

Hisênen li Bexdêdî  
Ewî vexwaribû ji kasa Hêdî  
Hisênen serê xwe kire fêdî

Hisênen li Bexdelî  
Li ber wê surê nesebirî  
Lew bû şera qadiya  
Hisênen bi serê xwe bû mişterî

Hisênen li Helac e  
Bi reva xwey rehwanc e



**Niha nîşana Helac mîna ya hemû xasen êzidiyan li gelîyê Lalişê heye.  
Xewlekî dirêj jî, li ser tê gotinê.**

Lew vêra gehîst bû nac e  
Wê li mêmê miskînê  
Hey baziyo ji hêlinê  
Li xwe megire revînê  
Em jî tebayî te hatîne ber rûyê  
sikinê

Mîha ser ji beran e  
Wa li Hisênen didet tanana  
Hisênen revîn eyb e bo mîran e

Hisênen revîn eyb e  
Kuştina mîra ne ecêb e  
Xasma serê tey bi hisêb e

Hisênen li van maniya yî biqar e  
Ewî li xwe girtibûn ber û dar e  
Lew hawareke birê axretê re  
dihinare

Hawareke birê axretê re  
dehişte  
Xecîca ji Xoristanê hat û gehîste

Ewî jîk Hisênen bi tehnâ dikuşte  
Hecîca li Xoristan e  
Rêya sê mehan e  
Hatîbû heft gavan e  
Hisênen giyan te ci giyan e  
Biçûk li min biran e  
Giyan bispêre Xwedê û dostêd  
ezman e

Giyan bispêre û here  
Me mîvanek heye ji sefer e  
Heta ruh ji qalibê te bête dere

Xwişkê Xecê belê belê  
Bi wê rojê kim roja li enzelê  
Min kasek vexwar ji serê kelê  
Kasa kerem e û da pê biçîn belê  
Xecê xwişka xwo me

Ni serî daye bideme  
Da bizanîn dinya û alem e  
Ya mîra sur e û kerem e

Hey Hisênen birê minê axretê  
Hero ku roj hiltê ji milê ometê  
Heft kasî quđretê  
Têr bo min hurmetê  
Êkî rojekê rastî ji dilê min der  
netê

Hero ku roj hiltê ye  
Heft kasî quđretê ye  
Têr bo min hurmetê ye  
Qet rastiyek ji devê min der  
têye

Hisênen dispare  
Li Bexdayê û çendî şar e  
Hisênen miskîn di azar e

Li Hormê hizîn û şîn e  
Li Bexdayê şayî ye û mîzgîn e  
Kuştibû Hisênen miskîn e  
Li Bexdayê û çendî şar e

Sayî dibûn kifar e  
Hisênen zergûn û azar e

Hisênen guleke di gulê de  
Hinciye hat berek lê da  
Ü Şêx Cinêd gulek lê berda vekire

Hisênen guleke nû kamil e  
Wê li Bexdayê hoye zâlim e  
Ü hinciye hat lê da bû kevir e  
Şêx Cinêd gulek lê berda vekire  
Dersad (saet) jê mabû dil e

Hisênen guleke nûşikiftî  
Ü baya tehiya di axiftî  
Lew şerîet pê şikiftî

Hey Şêx Cinêdo birê minê  
axretê  
Çend dar û berê binê vê ometê  
Hemû bo min û giyanê min tê  
Heta roja ome li qiyametê  
Nâlinêd min ji destê gula te tê

Şêx Cinêdo çendî digirîm çendî  
dinalim  
Kesî nezanî ezî bi ci hal im  
Te dizanî ezî bi ci hal im  
Heta roja em li qiyametê dê ji  
destê gula te nalim

Hisênen surî bû  
Rêya heq nasî bû  
Lew Şêx Cinêd lê xurî bû.

**Çavkanî:**  
 - Ézdîtayî, Xidir Silêman û  
Xelîf Cindi  
 - Zargotina Kurda,  
Ordîxanê Celîl û Celîl Celîl  
 - Ehmedê Xanî, hozan,  
fîlezûf û derwêş, Dr. E. M.  
Resûl

**SELİM BIÇÜK**



**Li ser dîwarên Laleşê hin nivîsen ku baweriyêñ êzîdîtiyê  
didin xuyakirin.**

RÜPELEK JI DİROKA ROJNAMEGERİYA KURDÎ

# KOVARA KURDISTAN

**Dr. Kemal Mezher**  
**Ehmed der heqê zimanê rojnameyê de jî wiha dibêje: "... Lé ji wan hejmarên ku min dîtine welê diyar e ku ji herdu hefteyan carê bi pênc zimanan (kurdî-tirkî-erebî-farisi-frensizî) derdiket. Ez bawer namik ku li dinyayê tu rojname yan kovar hebe ku gotarêñ xwe bi pênc zimanê cihê belav kiribe."**

**K**urd ji rojnamevantiyê re ne xerîb in. Li gorî gelên Rojhilata Navîn, bi hêsanî dikare were gotin ku ev gel xwediyê dirokeke kevin a rojnamevantiyê ye. Rojnameya pêşîn, kurdan li Qahîreya Misirê bi navê 'Kurdistan'ê derxistine. Roja derketina rojnameyê 22'ye avrêla (nîsan) 1898'an e û ji aliyê kurdan ve wekî roja rojnamevantiya kurdî tê pîroz-kirin.

Dema em li dîrokê dimêzin, dibînin ku ci çaxa kurdan ji xwe re fersend dîtine, lez dane derxistina rojnameyan. Bi taybetî ji piştî meşrûtiyetê, di sala 1908'an de. Di dema Osmanî de kurden ji her aliyê welêt ku li paytexta vê împaratoriye

Stenbolê diman, li derxistina rojnameyan xebitîne. Di dema Şerî Cîhanê yê Pêşîn de weşandina rojnameyan hatîye sekinandin. Di pey Mutarekeya Mondrosê re kurdan careke din dest bi kar û barêñ çap û weşaniyê kîrine. Lé piştî biserketina tevgera kemalî(st) di vî warî de bêdengiyek heta salén 1950'yan domiyaye. Heke em ji bo nimûne navêñ çend weşanêñ ku di destpêka sedsala bîstan de dest bi jiyanê kîrine bidin:

Şark ve Kurdistan (Rojhilat û Kurdistan); 1908, Stenbol

Amid-i Sevda; 1909, Stenbol

Peyman; 1909 Amed

Roji Kurd; 1913, Stenbol


Hetawî Kurd; 1913, Stenbol

Jîn; 1918, Stenbol

Kurdistan; 1919, Stenbol.

Mebesta me ew e ku em li ser kovara bi navê "Kurdistan"ê ku navê wê li jorê bîhûrî bisekinin. Ev kovar di 31.1.1919'an de li Stenbolê derketiye û kovareke siyasi, civakî, edebî û ilmî bûye. 31'ê rîbendanê roja salvegera vê kovarê ye. Tam 76 sal berê ev kovar hatîye weşandin.

Li gorî ku Cemal Xeznedar û Elaeddîn Secadî agahî didine me, 37 hejmarêñ vê derketine.



Berga Kovara Kurdistanê

(Hîlav)

Sernivîskar: Arwasîza-de Muhammed Şefiq

Berpîrsîyarê nîvîsaran: Seyîd Huseyîn

Çapxane: Necm-i İstikbal, Stenbol

Nîşe: Ji kitêba "Li Kurdistanâ bakur û li Tirkîyeyê Rojnamegeriya Kurdi (1908-1992)" ya Malmîsanîj û Mahmûd Lewendî hatîye istîfadekirin.

Xwedi: Mehmed Mîhrî

## ZANA FARQÎNÎ

**L**i Kurdistanê û li Rojhilata Navîn Çekêñ Kimyayî Biyo-lojîkî û Atomî. Dr. Celadet Çeliker, Weşanxaneya DOZ'ê, 1992, Stenbol.

Pirtûka ku bi navê "Li Kurdistanê û li Rojhilata Navîn Çekêñ Kimyayî Biyo-lojîkî û Atomî" wisa tê xuyakirin ku piştî Iraqê li Helebçeyê di sala 1988'an de çekêñ kimyayî bi kar anî, hatîye amade-kirin.

Di pirtûkê de sê beş hene:

Beşê yekemîn; Li Rojhilata Navîn belavbûna van çekan.


Di vê beşê de li ser têkiliyên kurdan û dewletên dagirker tê sekinîn

Beşê duyemîn; Xisûsiyetên van çekan.

Di vî beşî de qala gazen jahrê (Siyanîd, xerdel, fosfor), bom-beyen Napalmê û gelek cureyên van çekan tê naskirin. Xisûsiyet û tesîra bombeyan û xwe parastin ji wan û dermankirina li hemberî wan ji bo mirovan jî wekî agahî di vî beşî de cih digirin.

Beşê sêyemîn; Peymanê nav-

neteweyî



Berga pirtûka "Li Kurdistanê û Rojhilata Navîn Çekêñ Kimyayî Biyo-lojîkî û Atomî"

neteweyî

Ji protokola Cenevrê ya sala 1925'an heta Konferansa Parîsê ya li ser "Qedexekirina çekêñ kimyayî" gelek agahî hatîye berhevirkirin.

SUUT KILIÇ

## REWEZ

(Be soranî)

### Erkî dezga huneriyekeñ

Rewşî hunermendan û erkî dezga huneriyekeñ

Hêmin dellê:

Bizane to ewî ehli

huner bê

Debê yan derbeder

yan desbeser bê.

Hunermend û jiyanî

xoş mehal e

Hunermend rençeroye,

jînî tal e.

Diyar e hunermendî

kurd iş ber le her şîtek

mîrovêkî gelekeyetî û

beazar û janî gelekey

ra dejî û lêy cûda nabêt

ewe. Nek her eme û

bes, belkû hendê car le

mirove asayekanî naw

komelekes naqola û

nalebar tir jiyan be ser

debat û kes iş xoy lê

be xawen nakat.

Be rastî Mam Hêminî

Mûkuryanî rastî

gutuve, jiyanî xoş û pir

keyf û sefa roje rîyek

le hunermend ewe dûr

e, belam ême le em

roy barî roşinbîrî û

hunerîman da, le gel

hebûnî derd û

meynetiyekan, deti-

wanîn kemêk le barî

qurs û be azarî ser

şanyan sûk bikeyn û

toze şîrnayek têkel be

talî jiyan yan bikeyn, ke

hem wan hest be piş û

pena biken û hem sûd

îş le behre û tiwana

huneriyekan yan wer-

bigirêt.

Aşkira ye em erkeş be

piley yekem dekewête

ser şanî dezga hunerî

û roşinbîriyekanî

gelekeman, ke debê

emro bibne dalde û

xanexwîy ew huner-

mende belengaz, per-

tubilaw û le kar west-

awaney ke yan her be

carê legel dînyay nasîkî

huner û ciwanî da lêk

dabirawin û têkel be

cencalî û têkçrawî kar

û kesabet bûne û be

mişûrî peydakirdinî

parwe nan ewe roj

dedene dem roj, yaxud

tenha balin û natwanin

bêpişt û pena karêkî

pirr le ciwankarî le

baxçey hunerî da bix-

emilînenin.

Her wek min agadar û

bexeber im em ro le

başûr, rojhelat,

mîtropolekanî Turkiya

û welatanî Awrupa

komele hunermendêkî

namo be rewşî rojgar û

civatî em roy geleke-  
man damaw û  
ramawane bê çare û  
perêşan in... Pêwîst  
e ewan iş û dezgakan iş  
man le yekir biggeren û  
yekir bibînî ewe, da  
ku be hev ra cilewî kar-  
wanî huner û dahênan  
berew mentil bigirne  
dest.

Hergîzawhergîz barî  
nalebarî ew huner-  
mende azîzem le bîr  
naçê û berdêkî req û  
pirr keser e, bom heris  
nakrê, ew hunermende  
mamostay peymangay  
hunere ciwanekan e û  
pisporî "Piyanî" ye  
keçî le Atînay paytextî  
huner û ciwanî da  
serqalî peydakirdinî  
nan û xo bijêwî kar  
kirdin e, bo ew  
mebesteş şanî dawete  
ber karî pîrteqal rinîn  
ewe.

Ey kurd... Ey ewaney  
xotan be dilsozî kurd û  
Kurdistan dezânîn, ba  
hemûman le mêjûy dûr  
û nîzîk birwanîn, ba le  
diwênenê, yan le emro-  
man birwanîn, kar  
geystote ewey kurd be  
kurd be kuşt dedrê, ba  
lîre be diwawe xalêkî  
dîrokî bo ew mergesa-  
tane dabînêyin, şanî  
kar û xebat man  
bikeyne berbestî lafawî  
ew negbetiye... Ba  
nehêlin cî dî çawî  
behre resen û  
jêhatiyekan man kiwê  
bikrên, ba le hewlî  
bûjandin ewe û  
bînînewey hunermen-  
dan man da bîn, cûnke  
bizirkirdinî ewan  
bizirkirdinî huner û  
dahênanî kurdî ye.

De toş ey hunermende  
merd û rendekey kurd  
gûrî kar û dahênan we  
ber xo xewe û le der-  
gay dezga huneriyekeñ  
bide, ew dezgayane lû  
to ye û bo xebat û  
hunerekey to awa  
buwe. Eweş ey dezga  
huneriyekeñ amêzî  
gerim û gûrî xotanya  
bo amade biken, der-  
gay mîhir û wefayan be  
rûyekî xoş û geş ewe  
lê biken ewe, cûnke bê  
ewan, dezga huner-  
iyekan debin be:  
Malî gewre û dêy  
wêran.

**SÎRWAN NANEREQ**

**Herbijî  
Welatê Me**

**Tovêni  
mîrovahiyê**

**Rastîn  
di jiyanê de ye!**

**Gelê kurd ne  
bêxwedî ye.**

**Her tiştji bo  
Welatê Me**

**Kelemêni pêz  
zimêni**

**J**i hevalên Rojnameya Welatê Me re! Sala 1994'an çiqas saleke xedâr û bi êrşen zordariya kedxwaran bû jî, ji me re pir bi serkefti derbas bû. Lî çi dibe bila bibe, emê di sala 95'an de dema serkeftinê û rizgariyê bidin despêkirin. Hovîti û xwînmijî nikare me bide rawestandin.

Em bi vê evîniya dilgerm, sersala we pîroz dikin.

**Ali, Mazlum, Erhan,  
Yılmaz, Xalit, Zînê**

**Jiyan bi te  
xweş e!**

**T**ovêni kurdatiyê, di her warê jiyanê de aj dane. Ev tovêni mîrovahiyê ne. Van av bidin. Bi hêviya azadî û aştiyê, em sala we ya hozan û nîvîkarê kurd Ehmedê Xanî, pîroz dikin.

**NÇM, REWŞEN,  
ENSTITUYA KURDÎ**

**Bi navê  
Xwedê!**

**D**i hejmara heştemîn ya 'Welatê Me', di nivîsin û çavdêriya birêz Osman Özçelik de li ser rewşa Kubayiyan bersiva berpirsiyare ICAP'yê beşa Tirkîye J.D.Martinez pir balkeş e.

Ji vê bersiva wî dîsa tê fêmkirin ku di pêvajoya dîrokê de îdeolojî bûye perdeya berjewendiyê neteweyî û aborî. Niha jî tifaqiyen di navbera netewyan û civakan de li gorî van prensiban pêk tê.

Lî çi heyf e ku niha em ne di wê rewşê de ne ku tiştekî maddî bidine hinek welatan da ku têkiliyên wan û avdê çaresevîyê Rojhilata Navîn xerab bibin.

Herwiha xaniyekî me jî tune ku em îdeolojike bi dilê xwe tê de bi cîh bikin.

Lî niha li ser bedena me ya şêr, seriyeke ruvî diberiqe û êdî em pişta perdeye jî dibînin.

**Şinasî Şen**

**Alfabeyê di her  
hejmarê bidin.**

**E**z nizanim çewa dest pê bikim, derdê me kurdan pir in. Her tim me derd dîtine, me lêdan dîtine, me talan dîtine, me ferman dîtine û me qirkirin dîtine. Lî me tu caran bersiva van nedaye.

Lî em çawa pêdin? Heya niha rîberekî me tunebû û hemû sazî di destê kolonyalistan de bûn. Lî iro gel bersiva dijiminê xwe dide. Saziyen me, rojnameyên me, enîya me û hwd. me hene. Gelê kurd iro ne bêxwedî ye.

Hevalên hêja! Ez bi xwe du sal in li Almanyayê dijîm. Li Hamburgê di 'Mala Kurdan' de li ser karê çandê dixebeitim. Bi rastî ez bi rojnameya 'Welat' fêrî zimanê xwe bûm. Di demeke gelek kurt de. Wekî hemû hevalan dixwazim ku kurd hemû bi dil û can li ser zimanê xwe bi sekîn.

Li ser navê "Koma Welat" li Hamburgê, ji hemû xebatkarê rojnameya 'Welatê Me' re bi dilgermî silavan dişinim. Bimînî di xweşiyê de. Serkeftin.

**Rênas /Almanya**

**Welatê Me  
mekteba me ye**

**X**ebatkarê rojnameya Welatê Me yên hêja, sala weya nû pîroz dikim. Daxwaza min ji bo sala nû ev e ku, ew ji gel û welatê me re azadî û serxwebûnê bîne. Her bijî hêviya me ji bo welat. Di xweşiyê de bimîn.

**Ewnî Kevir /Pîrin**

**Silavêni  
germ**

**E**z berî hemû tiştî, silavên xwe yên şoresh gerî pêşkêş dikim û di vê xebata we ya giranbuha û hêja de pêşketina we ji Xwedê hêvî dikim.

Ez bawer im, bi nîvîsêni we û bi xwendina me, emê kelemêni li pêşya zimanê kurdî ji holê rakin. Zimanê bi salan hatiye girêdan wê ji bend û qinaban xelas bibe, azad bibe û wê bi pêş ve here.

Xwenas

**Welatê Me  
gelek xweş e**

**B**eriya hemû tiştî ji hemû xebatkarê rojnameya Welatê Me re em silavêni pir germ dişin û em sala we ya (95) Ehmedê Xanî pîroz dikin.

Em her hefteyî rojnameya Welatê Me pir bikêfxweşî distinin û di xwînîn. Em her dem ji we re pir sipasdar in. Ji ber ku hûn rojnameyeke li ser çand, dîrok û pirsgirêkên kurdan derdixîn. Û xwerû bi kurdî pêşkêşî me dikin. Em ji we re hurmeta xwe pêşkêş dikin û em ji we re pir serkeftinê dixwazin.

**Li ser navê xwendevanê  
rojnameya  
Welatê Me Fîrat Kaplan**

**Hin daxwazêni  
min!**

**G**elek silavêni germ û şoreshi li we be xebatkarê Welatê Me. Me ji zû de bêriya wê kiribû û bi derketina rojnameyê em pir dilşad bûn. Em hêvîdar in ku doza Welatê Me bidome.

Rûpelên Welatê Me geleki xweş in. Kêfa me zehfî ji xaçepirsa we re tê. Her tim min peyva veşartî ji we re dişand, lê belê li ser navê hevalekî. Ji niha û pê ve ezê dîsa ji we re nameyan bi rê bikim.

Di gel silavan ez pênuşa we diramûsim.

**Salih Ezidî /Antalya**

**Ji Welatê Me re  
silav dikim**

**H**evalên hêja, xebatkarê rojnameya Welatê Me. Berî ku ez dest bi nivîsa xwe bikim, ez bi dilekî germ û xweş li we silavan dikim. Ez ev 20 sal in ku li Germanistanê dijîm. Emrî min 21 û ez li vir universiteyê dixwînim. Bawer bikin min heta niha guhê xwe ne dabû zimanê xwe. Li iro me rastiya xwe êdî dîtiye. Em dixazin bi zimanê xwe bixwînin. Ji ber vê yekê rojnameya Welatê Me cihêkê girîng digire. Mektebên bi zimanê kurdî iro tûne ne. Mekteba me rojnameya Welatê Me ye.

Ez xebata we ya hêja û pir birûmet, li gelê me pîroz dikim. Serkeftin.

**Nurullah /  
Germenistan**

**H**evalên hêja, di hejmarâ 8' an de di binê her rûpelê de 'Rêbendan 1994' hatiye nîvîsandin. Ev kêmasyeke teknîkî ye û ez dixwazim ku hûn vê kêmasya xwe rastbikin. Di xaçepirsa hejmarâ 8' an de pirsek wiha heye "Di wêneyê de tê ditin" di bin wêne de ji Ersin Yıldız dînivîse ev nirxa xaçepirsê dadixîne, hinekî baldar bin, çêtir e.

Ferhengoka kurmancî dixwazim her hette bête weşandin.

**Bimînî di xweşiyê de  
Silavêni Şoreshgeri  
M.Ali Mutlu/ Meletî**

**J**i xebatkarê Welatê Me û nivîskaran re silavêni xwe yên germ bi rê dikim. Ji gelê xwe re serxwebûn û azadiyê dixwazim.

Hevalên hêja, çend daxwazêni min ji we hene. Hûn nivîskaren quncika zêde bikin. Yaşar Kaya, Abdurahman Dürre û hwd. Li ser şoresha welat û bûyeren cengê zehftir bisekinin. Bimînî di xêr û xweşiyê de.

Celil Baysal

**B**erahîya hemû tiştan bi hezaran silavêni germ û gur li xebatkarê rojnameya Welatê Me dikem.

Gel ve yekê Sala Ehmedê Xanî (1995) li şexsê hewe û xebata we ya berkevtî bo gelê kurd pîroz bit. Ji yezdanê dilovan hêvîdarim Sala Ehmedê Xanî bo hemû gelên wekî kurdan bindest, deriyen jiyanke serbixwe û azad veket.

Helbesta jêrê hati nîvîsandin ji min bo we diyariya serê salê ye. Sitara Yêzdan li we bit.

Di nîvîsandin min de kêmasyek hebit qusura min mîzê neken. Rojbaş.

**Jêhat Dilevîn**

**95 sala  
aştiyê ye**

**B**irayen delal, merheba! Ez berî hemû tiştî ji bo ku hûn karekî wilô pîroz dikin ji we hemîyan re spas dikim. Min nîzîkî 70-75 hejmarêni rojnameya 'Welat' xwendin. Rojnameya Welatê Me roja derket min dest bi xwendinê kir û heya bidome ezê bixwînim. Ez ji ber ku hûn nû derketine vê gavê li we rexneyan nakim. Lî çend gotinê min ji Rûhayîyan re hene. Gereke hûn li zimanê xwe xwedî deren. Rojnameya Welatê Me bixwînin û bidin xwendin.

Bî hêviya serkeftin. Remzi Kalhanlı / Rûha

Armanca me ew e ku, zimanê gelê cihanê tev di çand û hûnerê de bi pêş ve here. Hûn vê pêşniyara me bigirin berçav, wê pir feydeyê bîne. Di xebata we de ji we re em serkeftinê dixwazin.

Murad- Yakup/Amed

**M**erhaba gelî xebatkarê rojnameya Welatê Me. Di karê we de gelekî jêhaftî û serfiraziya dixwazim û hêvî dikim. Ya din jî dilwestina min ev yek e ku sala nû bibe sedem ji aşti û xweşkayîyan re. Bîmînî di xweşiyê de.

**Xortê Farqîni /  
Girtîgeha Rûhayî**

Manşeta me ya vê heftiyê li ser rewşa zarokên kurd ên li Norwecê ye. Ev zarokên kurd ku heta berî demekê bi zimanê xwe yê zikmakî dikaribûn li dibistanê Norwecê dersan bibinîn, iro ji ber bêmamostebûnê tenê bi zimanê biyan dixwînin û perwerde dîbin. Li gor nûçevanê me Memo Darrêz – ku ew jî berê mamosteyê Kurdî bû. – Zarokên Kurd di navbera dêr û Mizgeftê de mane. Ne mamosteyên Kurdî hene ku dersên kurdî bidin wan, ne jî ji zimanê din baş fêm dikin. Li ser daxwaza Welatê Me, Memo Darrêz, nûçeyeke dorfireh li ser şert û mercen perwerdehiya zarokên hindikahiyê li Norwecê, amade kiriye. Zarokên Kurd ên ku li Kurdistanê û li welatê din ên dagirker dijîn, ci ji ber rînedana van dewletê dagirker, ci jî ji ber bêimkaniyan, ji vî mafî bêpar in. Perwerdehiya bi zimanê zikmakî heqekî (mafekî) me yê neteweyi ye û ji bo wî û heqen wekî wî(ew jî şertek ji yê serxwebûnê ye) gelê me



## JI WELATÊ ME

MAZHAR GÜNBAT

### Ji yekîtiya mamosteyan re

ta iro bêhejmar şehîd dane. Ji ber vê yekê kengê û li ku dibe bila bibe, dema fersend bikeve destê me, gerek e em ji van heqan îstîfade bikin. Nexusim ku ev heqekî zarokên me be, gerek e bêderengî, birêkupêk em pê re eleqedar bibin û di vî warî de ci jî destê me bê em bikin.

Li aliye din di tiştîn wisa de gelek caran hewldan û xebatên şexsî zêde neticeyê nadîn. Ji ber vê yekê bar û kar dikeve ser milêne rîexistinê kurdan yêneleqedar. Ci ne ev rîexistin. Pêşî ew ên ku doza standina mafê gelê kurd dikin. Ji ber ku gelê kurd ne tenê li welêt, li derveyê welêt jî wan di her warî de wek hêviya riz-

garkirinê dibîne. Dudo, Rêxistina Mamosteyê Welatparêzê Kurdistanê, bi dîtina min, bi vî karî re direkt eleqedar e. Wekî tê zanîn ev Yekîtiya Mamosteyan meha çûyî li Almanyayê ji aliye mamosteyên kurd ên welatparêz ve damezirî. Eger iro rasterast ji bo zarokên Kurdistanê tiştîk ji destê wan neyê, bêguman eleqederbûna bi zarokên kurd ên Ewrûpayê re jî karekî pewist e. Zarokên me li ku dîbin bila bibin yêne me ne û em mecbûr in bi wan û pirsgirêkên wan re eleqedar bibin. Zarokên me pêşeroja welatê me ne. Em ci bidin wan emê wî ji wan biçinin. Eger heta iro kurd bê welatekî ser-

bixwe mabin gelo hinek jî ne ji ber xemsariya wan a li hemberî zarokên wan bû. Iro êdî rîexistinê me di her warî de hene, gerek her yek ji wan karê xwe bêderengî bîne cih.

#### Mesrefen posteyê

Xwendevanê hêja ji ber mesrefen posteyê ji bo Ewrûpa em mecbûr in fiyeta abonetiyê li dora % 15 zêde bikin. Ji ber vê yekê, ji niha û pê ve fiyeta abonetiyê Ewrûpa wiha ye:

3 Meh ————— 35 DM  
6 Meh ————— 70 DM  
12 Meh ————— 140 DM

#### Nameyên we

Nameyên xwendevanê vê heftiyê gelek in ji ber ku di destê me de deyze name ketine ser hev, ji bo ku li ber destê me zêde kom nebin car caran emê rûpeleke xwe bi temamî ji nameyan re veqetînin. Jixwe ne mumkun e ku em ci nameyên ji me re têni biweşînin. Lî dîsa jî em ji hemû şandêren nameyan re spasyen xwe pêşkêş dikin.

## NÂMEYÊN XWENDEVANAN

### Tu pir xweş i Kurdistan

Em bindestiyê naxwazin bêrûmetî li goristanê be Serxwebunê dixwazin, serxwebunê dixwazin

Tu pir xweş i Kurdistan, tu pir xweş i Kurdistan

Fevzilemin Xashesenê

### Welatê Me li me pîroz be

mîsim. Ji bo derxistina welatê Me ji were zor zor spas dikim. Li ser weşandina welatê Me em gelekî kêfxweş bûn.

Li ser navê welatparêz Manisayê zordes-tiya dewletê ya li ser gelê me, girtina mebusen kurd, qetilkirina ronekbîrê kurd û terora li ser rojnameyên me protesto dikim.

Serkeftina we daxweziya me ye, emê Welatê Me bixwîn û bidin xwendin. Bi hêvidariya rojê delal, bimînîn di xêr û xweşê de.

Resul Bêwar / Manisa

### Spas ji Welatê Me re

re bi rî dikin. Em, ji weşanîya Rojnameya Welatê Me gelek kêfxweş û serbîlind in. Welatê Me dibe bingehêke herî xurt ji çand û zimanê kurdî re. Rojnameya Welatê Me, ji gelê kurd re bûye mizgînekî û divê her kurdeki/ê welatparêz lê xwedî derkeve. Em ji xebata we re serfiraziyê dixwazin. Silav û hurmeta şoresserî.

Muhammed Muhammed  
Yılmaz Atlıg  
Girtîgeha Bartinê

### Bi saya we em bi pêş dikevin

Birêz xebatkarê Rojnameya Welatê Me. Ez berî her tiştî spas dikim ji we re ku rojnameyeke bi kurdî we gihad gelê me. Ez xwendevanekî Welatê Me yê ji Bedlîsê me. Ev hejmara Welatê Me yê sisîyan e ku ez dixwînim. Tiştîk wekî xwendin û nîvîsandina bi zimanê mirov, ne xweş e. Ji we daxwazeke min heye. We di rûpeleke xwe de cih bida dîroka PKK'ê û şerwanên wê, dê gelek sipehî bibûya. Gelek spas.

Bedran Bedlîs / Bedlîs

### Sala we ya nû pîroz dikim

### Em serfiraziyê ji we re dixwazin

Ji destpêkê û heya roja iro jî em li rojnameya 'Welatê Me' xwedî derdi kevin. Ji bo xebata we em ji we re sipas dikin. Bi rastî em hîn zimanê xwe baş nîzanîn, lê bi saya we em roj bi roj bi pêş dikevin. Di rojê pêş de emê ji we re nameyan bişînin. Silav hemû hevalan ji we re hene. Silav û Serkeftin

Ahmet Ülgén /  
Girtîgeha Pîrinê

## FERHENGOK

**Arîzî:** Malê şexsî, malê xusûsî

**Arîzkîrîn:** Xusûsîkirin (özelleştirme)

**Aşti:** Sulh

**Aştîxwaz:** Sulhxwaz

**Azmûn:** Tecrûbe

**Baq:** Deste, boq

**Berjewendî:** Menfeet

**Diyârî:** Perû, xelat, hediye

**Fêrbûn:** Hînbûn

**Hov:** Wehşî

**Hovîti:** Wehşîtî

**Nasname:** Huwyet, kune

**Nasnav:** Sifat (ünvan)

**Pêşniyar:** Pêşniyaz (öneri)

**Pêvajo:** Qonax, doman (sureç)

**Şaho:** Qû, qaza Iraqê

Xebatkarê Welatê Me yêne hêja û delal, ji were bi qasî Cûdi, Herekol, Gabar, A-girî silavan bi rî dikim, yek bi yek çavê we dira-

Havalên Delal! Ez sala we ya nû pîroz dikim. Sala 1995'an ji hemû gelê me re bi xêr û şahî be.

Ez rîvebir û xebatkarê rojnameya Welatê Me pîroz dikim. Silav û rîzdarîya xwe pêşkêşî we dikim. Dixwazim hûn di hemû demen jiyanê de canxwêş û dilxwêş bin.

Ji we re serkeftin.

Refik Süt/ Stenbol

## WELATÊ ME

Rojnameya Hefteyî  
(Haftalık Gazete)

Li ser navê  
ROZA Basın ve Yayıncılık  
San. Tic. Ltd. Şti. adına  
Xwedi (Sahibi)  
Aynur BOZKURT

Gerînendeyê Weşanê  
(Yayın Yönetmeni)  
Mazhar GÜNBAT

Berpîrsiyarê Karê Nîvîsaran  
(Yazışları Müdürü)  
Metin AKSOY

Berpîrsiyarê Nûçeyan  
(Haber Sorumlusu)  
Suut KILIÇ

Redaktor  
Sami TAN

Berpîrsiyarê Têkiliyên Gelîri  
(Halkla İlişkiler Müdürü)  
Sıraç AKSOY

NAVNIŞAN (Adres)  
Ayhan İşık Sok. No:23/3  
Beyoğlu / İSTANBUL

TEL-FAX  
249 13 44 – 245 29 91

ÇAPXANE  
Yeni Asya Matbaacılık A.Ş.

NÜNERİ  
(Temsilcilikler)

Suriye- Jan Dost  
Fener Rojbiyanî  
Berlin- Silêman Sido  
49-30-69 00 26 95

Bonn- Ahmet Baraçkılıç  
49-228-66 62 49

Hannover- Selîman Biçük  
49-5721-813 60

Hamburg- A.Hekim Gülsün  
49-40-40 33 88

München- Mahmut Gergerli  
49-871-670 884

Badenwurtenberg-  
A. Rahîm Ayaz  
49-75453258

Swed- Amed Tigris  
46-8-740 69 81

Amsterdam- Cotyar Zaxoy  
31-20-613 07 66

Paris- M.S. Ayçiçek  
33-1-48000401

Atina- Sîrwan Reşid  
Bekir Bahoz  
30-1-3634905

Dî şeva HADEP'a Eminönü de Serokê navçeyê İbrahim Yaman, li hemberî kîrinê dewletê bangî rêxistinê demokrat kir:


# 'EM HÊZÊN XWE BIKIN YEK'



Cîgirê Sekreterê Giştî yê HADEP'ê  
Kemal Bilget

Lî Tirkîyeyê partî hene kevneşopa HEP, DEP, û ÖZ-DEP'ê tê. Li ser hîmê wan ava bûye. Hejmara şehîdên wan ên ku ji bo demokrasî wekhevî û azadîyê tê koşîne ji sedî zêdtir e.


Di gel hemû astengî û rîlibergergirtinan,revebirêن HADEP'ê xwe bi riyêن ji hev cihê digîhînin hilbijêrên xwe û bi wan re tekiliyan datînîn. Xebat û politikayêن xwe ji wan re vedibêjin û wan li dijî



Serokê HADEP'a Stenbolê Dr. Kemal Parlak

sîyaset û kîrinê gemarî û dek û dolaban hişyar dikin. Bi van mebestan rêxistina HADEP'ê ya navçeya Eminönüya Stenbolê şahîyeke bixwarin pêk anî. Şahî di 25'ê rîbendanê de li Restoranta Karîdes'ê çêbû. Li zêdetirî 1500'î kes beşdar bûn. Komên Navenda Çanda Mezapotamyâyê yên muzik, folklor û şanoyê; Koma Ciya, Koma Amed, Koma Serhildan û Teatroya Jîyana Nû gel coşandin.

Wan salêن dawî di şahî û civînê kurdan de tiştek balê dikişîne. Hêdî hêdî zimanê kurdî û tirkî bi hev re té bikaranîn. Li vir ji spîker



Serokê Rêxistina HADAP'a Emînönü'yê  
İbrahim Yaman

bi herdu zîmanan ji zehf xweş dîzanîbû.

Pankartên ku li ser mafêni mirovan, li dijî nîjadperestiyê, yên li ser gelşa kurdî, arzîkirîna dezgehêñ aborî yên dewletê (KİT) û hwd bûn dehna beşdaran dikişandin ser xwe. Eger em çend nivîsên li ser pankartan ku bi tirkî hatibûn nivîsin, li vir bidin: " Ji nîjadperestiyê re na!" , "Hîn ku nebûye dereng aştî!" , "Ji bo gelşa kurdi çareya siyasî" ...

Di şahiya rêxistina Eminönüye ya HADEP'ê de çav bi mîrovê nas ji diket. Weki Cîgire Serokê Giştî yê HADEP'ê Şahabettin Özslaner,

Cîgirê Sekreterê Giştî Kemal Bilget, Serokê HADEP'a Stenbolê Dr. Kemal Parlak, ji TOHAV'ê (Weqfa Lêkolînê Hiqûqa Civaki)'ê Selim Okçuoğlu, Serokê Komeleya Dersimîyan Selman Yeşilgöz.

Kesên ku di şahîye de axivîn, li ser şewitandin û valakirina gundan, binpêkirina mafêni mirovan, pêkutî û tehdîyêñ dewletê, hewlidanêñ avakirina partyîn li ser navê "kurdan" sekînîn û hişyarbûna gel li hemberî rewş û qewiminêñ dawî xwestin.

MEHMET GEMSİZ



Li aliyê çepê Koma Serhildan di dema govendê de, li jor ji sahneyek ji tiyatroya Jiyana Nû